


# MALĀLŪSYO NA MĀMŪLO

## PA BWĀNDĪLO

 Lilino, linga aligwēsa ali na malālūsyo galigōsa aga abēne bikulōnda ukutūla muno, fiki, itolo ukubindikisya agene papapa pamwanya, unko u mwāna yumo atwale agene pamo kilikyosa iki ugwe kulonda. Pamo, lumo, linga uswe tukumālīsyā. . . Une—une ndinago kifuki ntāndātu apa pa lyani limolyene, kangī polelo apa, polelo uswe tulinago mabili ukukilania kula.

<sup>2</sup> Lilino, uswe tuli. . . uswe tukulonda ukusyagania. Inongwa iyi uswe tukubomba iki ko kusyaganiaga iki kili pa minogono ga bandu, iki abene bikwinogona isya fiki. Muketile? Kangi ikyo kyo iki kikupela ikipanga ikinunu, ikyamaka. Ugwe kufīmbilisigwa ukuya nu—nu tubalilo, itolo ngati mūmo ugwe kufīmbilisigwa ukupēsa amakāndi panja, umwe mumenye, kangī kilikyōsa, ega fyōsa i—i fīndu ukusōkāpo pa njila ukuti ugwe ubagile ukwēnda kanunu. Polelo lilino iyo yo nongwa uswe tulinakyo ikilo kya malālūsyo kamokene m'kabalilo, ko kusyagania.

<sup>3</sup> Lilino, linga galipo amalālūsyo galigōsa aga. . . Lilino, akabalilo aka une mu luko lumo nīgwile ikyēne lōsa, ukwīguka fiyo. Kangi une ndinkuti. . . Lilino, kwalisibīle ukuya une nābagile ukuyoba, “Lilino, linga aligwesa. . . itolo kilikyosa ikingi ukufwana ni—ni Lisimbo; amula. Lālūsya ilyene.” (Ndaga ugwe, nkundwe.) Kangi une ndinkuti, “Kilikyosa ikingi ukufwana ni Lisimbo; amula.” Muketile, kangī uswe twābagile ukwāmūla ikyēne. Lōli ikilo iki une nāyobīle. . .

<sup>4</sup> Umwe mumenye, polelo abene bikwisa ukusyungutila, abene bikuti, “Nkundwe Bill,” alindalusīsyē une ililālūsyo, “ngimba ugwe kwinogona linga—linga—linga *Gwakuti-nagwakuti* ābōmbīle ikindu *kyakuti-na-kyakuti*, ngimba ikyo kyo Kikristi?”

<sup>5</sup> Ena, ikyo kyo luko lumo lwa kugutila panja pa mundu yumo. Loli une ndinkuti, “Baleka abene baye nakyo ikyo ikilo iki.” Muketile, ikyo kyo kili kanunu mosa. Polelo uswe tubagile itolo ukusyagania linga kulipo ukugutila kulikosa ukubōmbīgwa.

<sup>6</sup> O, une—une—une ngwipilika kanunu ikilo iki. Nsēngile i līsu pamusi pōsa, popāpo une naloliloli ngwīpilika kanunu, panja mu lūmo ulupyāno.

<sup>7</sup> Uswe tuli nu—nu lukomano lukwisa nakalinga lululu lilino, komma ukwiibwa. Ogasiti i lyamalongo-mabili-na-matatu, ku Stediyamu mu Chicago, mpala Seputembala i lyabuhano.

Tukugulila akabalilo akakulumba mwa Ntwa kula. Kangi icyène kifumusígwe kulikōsa lilino, kangi ifikalatasi ifikīndāne fipīmbīle icyēne. Kangi uswe tukugūlīla akabalilo akakulumba.

<sup>8</sup> Lilino, une ndinago limo, mabili, matatu, mana, ntāndatu, une ngwinogona, pa lyani limolyene apa. Kangi icyene gōsa mu luko lwa kufwana ni kindu kilakila, kunyuma mwa—mwa Buku gwa Bwāndilo.

<sup>9</sup> Lilino, icyākwānda yo Bwandilo 1:26, pamo 1:26 ukubuka 28, ko kūko u—u mūndu na i . . . abēne bālālusiye iki icyēne kikuyaga. Iki—iki ililālúsyo ili . . . Une ngusanusya, balālusiye ililālúsyo, nhobokela une. Kangi uswe tukulōnda ukubala lila tāsi. Kangi lilino, abēne balisimbile ilyēne mōsa apa. Linga umwe mukulōnda ukulikōngesya ilyēne kulakula ukugomokela, icyēne kyo kanunu mōsa. Alinkuti, “Kyala āpelīle u mūndu, gwakinyāmbāla kangi gwakikīkūlu alinkupela Umwēne abēne.” Muketile? Kangi polelo pa kyākukōnga umwene alinayo Bwandilo, pamo, umwēne pamo umwēne, yumo, ali nagwe Bwandilo 2:7, “Umwēne ābumbile u mūndu ukufuma ku lufumbi lwa kīsu.” Ubo bo buyo ubungi. Une ngubabalaga agene gosa, polelo uswe tubagile ukubatwala agēne palikimo apa ukuti umwe mubagile ukuketa. Lilino ilyākwānda, ubuyo bwākwānda bwa iki bo, lilino bwāyobile:

1. **“Kyala āpelīle u mūndu, gwakinyāmbāla na gwakikīkūlu. āpelīle u mūndu, gwakinyāmbāla na gwakikīkūlu.”** Lilino ikyo kyo, une ngwinogona, i fundo yakwānda. **Lilino mwa Bwandilo 2:7, ilyene likuyoba, “Umwene ābumbile,”** (ikibīkīgw’ubusito) **“loli icyakwanda Umwene āpelīle.”** Umwene ali nako polelo . . . umwene alinakyo kila kibīkīgw’ubusito. **“Kangi Umwene ābūmbīle”** (kibīkīgw’ubusito) **“u mūndu ukufuma ku lufūmbi, kangi alinkutūyila mu mbulo syāke,”** na fyōsa bo ifyo. Lilino, ngimba bo bukīndāne buliko, pamo po pōki bulipo ubulūngisanie mu Masimbo agapamwanya aga?

<sup>10</sup> Lilino, ili lyo . . . Lilino, linga umwe mukisimbile icyēne pāsi, Bwandilo 1:26 ukubuka ku 28, kangi Bwandilo 2:7. Lilino, icyene kyo kindu kipalamasye fiyo, kangi une—une lumo ngabagila . . . Une itolo ndi ni fundo yangu nimwene isya icyene, polelo une ngukupāga icyēne kwa ugwe injila iyi une ngwīpilika ukuti icyēne kili. Kangi linga ugwe ukīndēne, ena, ikyo kyo itolo kinunu.

<sup>11</sup> Une ngulōnda ukuntufyapo Nkundwe Neville pa māmulo amanunu umwēne ikupa ku malālusyo ago pala. Lilino, agēne go manunu.

<sup>12</sup> Lilino, mu iki, Bwandilo 1:26, Kyala āpelīle u mūndu mu kifwāni Kyāke Mwēne. Kangi linga ugwe kukētésya, uswe tukukyēgaga icyēne ukuti ugwe ubagile ukubala icyēne, kangi 26 . . . Linga ugwe kulonda ukubala palikimo na uswe,

uswe tukuhobokaga panongwa ya ugwe—panongwa ya ugwe ukubomba ikylene, mungētēsyege une mosa.

*Kangi Kyala alinkuti, Unko uswe tutēndēke u mūndu mu kifwāni kyītu, ukufuma mbufwāne bwītu: kangi unko abēne bayege nu bulagili pamwanya pa swi sya mu nyānja, . . . pamwanya pa tuyuni twa mmwanya, . . . pamwanya pa ng’ombe, . . . isya i kisu, kangi pamwanya pa kilikyōsa ikīndu ikyakwāfula iki kikwāfūla pamwanya pa kisu.*

*Popāpo Kyala āpelīle u mūndu mu kifwāni kyāke mwēne, mu kifwāni kya Kyala alinkumpela umwēne umwēne; kinyāmbāla kangi kikīkūlu alinkupela umwēne abēne.*

<sup>13</sup> Lilino, ikyo kyo . . . Une mbilike ikyo kikuyobesanigwa utubalilo twīngi, kangi ukusyūngutila i kīsu, injobesano ukwisapo pa ikyo. Lilino mwa Bwandilo 2:7, kētēsya iki Umwene ābombile apa. Umma ndaga, apa Ikyene kili:

*Kangi . . . Kyala ābumbile u mūndu ukufuma ku lufumbi lwa mfu, kangi alinkutuya mu mbulo syāke umūyi gwa būmi; kangi u mūndu alinkuya mōyo ugwabūmi.*

<sup>14</sup> Lilino, lo luko luki ulwa bubumbigwe . . . ? U—u ndālūsi ikulonda ukulālūsya:

**Ngimba ko kulūngisania kuki Bwandilo 1:26 ali nako na Bwandilo 2:7? Kyala āpelīle abanyāmbāla babili. Kangi uyu āli nnyāmbāla, kangi uyu . . . Ngimba ko kulūngisania kuki ikyo kilinako? Fiki . . . ? Ngimba ikyēne kikulūngisania bulebule mu Lisīmbo?**

<sup>15</sup> Ena, lilino, linga umwe mwisakukētēsya kifuki lilino, mwa Bwandilo 1:26, unko uswe twēge ikiyabo kyākwānda tāsi. Kyala alinkuti, “Unko Uswe.” Lilino, “unko Uswe,” *uswe* yo i . . . “Unko Uswe tutēndēke mu kifwani Kyītu Kyēne.” *Kyītu*, ena, uswe tukusyagania Umwene ikuyoba ku Munduyumo, Umwene ayobaga ku Kīndu ukingi. “Unko Uswe tutēndēke mūndu mu kifwāni Kyītu Kyēne ukwēgelèla ubufwāne Bwītu, kangi unko abēne bayege nu bulagili pamwanya pa ng’ombe sya nkibānja.”

<sup>16</sup> Linga umwe mukukētēsya, mu kipeligwa, ikīndu kyākwānda iki kyāpelīgwe, ena, bwāli bwēlu. Ugwe kwīsa nkyēni pāsī ukwisila mu kipeligwa, ikīndu ikyābumalikīsyō kyāpelīgwe kyāli fiki? U nnyambala. Kangi u nkikulu ātendekīgwe ukufuma ku nnyambala. Umma ndaga, ikyākwānda . . . I kīndu ikyābumalikīsyō iki kyāpelīgwe, ikya kipeligwa kya Kyala, kyo būndu.

<sup>17</sup> Lōli akabalilo kāko Kyala āpelīle u mūndu Gwāke ugwākwānda, linga umwe mwākētēsīsyē, Umwēne ālintendīke umwēne mu bufwāne bwa Mwēne, umwēne ātendekīgwe mu

kifwāni kya Kyala. Kangi ngimba Kyala yo fiki? Lilino, linga uswe tubagile ukusyāgania iki Kyala ali, uswe tubagile ukulyāga lo luko luki lwa nnyāmbāla Umwēne ātēndike.

<sup>18</sup> Lilino mwa Mwikemo Yohani, untu gwa 4, kangi une ngwisaku. . . umwe bala iki, Yeso ikuyoba ku nkikulu mu. . . linga ugwe kulonda ukusanuka ku kyene. Une. . . kisita kuya na kabalilo kīngi, une itolo ngāsimbile agēne pāsi mma, itolo mbagile ukwēga ilyēne ukwisila mu kukumbuka. Kangi ugwe kukētēsya agene lilino, linga une mbagile ukulyaga ilyene mbibimbibi itolo. Lilino unko uswe twānde kifuki untu gwa 4, kangi ilinandi lya 14:

*Kangi aligwēsa ikunwa ifya m̄si aga gāgo Une nisakupa kwa umwēne atisamo siku ukūmilwa kāngi; . . . kangi ikuyaga fisiba fya m̄si gikunyibukila mmwanya mu būmi ubusitakumalika.*

*U nkīkūlu alinkuyoba kwa umwēne, Nkulumba, mbapo une am̄si aga, ukuti une. . . ndīngīsāga mma kunō ukunega.*

*Yeso alinkuti. . . Būka, kangi nkōlēla undume gwāko, . . .*

*Unkikulu alinkwamula. . .*

<sup>19</sup> Une ngusubila uswe tukufimbilisigwa ukuya panandi pamwanya pa ikyo lilino, ukusyāgania, ukusyagania iki—iki une ngulōnda umwe ukukēta apa. Lumo mma, lumo une mbagile ukulyāga ilyene nkyēni pāsi apa, kangi iki une ngulōnda ukukēta. Mukuyoba fiki? ilya 23 kangi ilinandi lya 24. Umma ndaga.

*Umwe mukwīpūta. . . (ikyo kyo ikyēne). . . Umwe mukwīpūta kangi umwe mutikumanya fyo fiki: uswe tumenye iki uswe tukwīpūta: kabuno ubupoki buli bwa ba Yuda. (kangi uko ko kotalusya, muketile)*

*Lōli isala yikwisa, . . . Lōli isala yikwisa, kangi lilino yili, ukuti abīpūti ababwānalōli (Yuda pamo Gwapānja) bisakwīpūta Tāta mwa u mbepo kangi mu bwānalōli: namanga Tāta ikulōndesya ba lūlo ukummwīpūta umwēne.*

<sup>20</sup> Lilino, ilinandi ilikōnge lyo kūko une ngulōnda:

*Kyala yo Mbepo: kangi abene aba bikwīputa umwene bikummwīputa umwene mwa mbepo kangi mu bwānalōli.*

<sup>21</sup> Lilino, linga Kyala āpelīle u mūndu mu kifwāni Kyāke Mwēne kangi mu bufwāne Bwāke Mwēne, lo luko luki ulwa nnyāmbāla Umwēne āpelīle? U mbepo nnyambala. Lilino, linga ugwe kukētēsya, ukufuma pāpo Umwēne āpelīle ikipeligwa kyōsa, kangi alinkupela u mbepo nnyambala, ukubala kifuki kwa iki lilino (ku yūyo uyu ālālūsīsyē ililālūsyo) isakukyāga

iki, ukuti Kyāla āpèle ubulagili bwa ng’ombe kangi i swi kangi kilikyōsa ku mūndu. Lōli, mu bupeligwe Kwāke pala, Umwēne ātēndike unnyāmbāla mu kifwani Kyāke Mwēne ukundongosya i ng’ombe, ukukōngōsya ifinyamana fyo nkibānja, itolo ngati u Mbepo Mwikēmo ikulōngōsya u mwītiki umwīsyūgu. Muketile?

<sup>22</sup> Umwene aali, mmasyu agangi, Adamu, unnyambala gwakwanda mu fipeligwa fya pāsipo ifya Kyala. Ikipeligwa kyākwānda kyāli Kyala Mwēne; polelo ukufuma mwa Kyala ālisīle u Logos, uyu yo āli Mwanundumiana gwa Kyala; polelo ukufuma ku Logos, iki kyo Lisyu (“Ku bwandilo lyalipo i Lisyu, kangi i Lisyu lyāli na Kyala, kangi i Lisyu āli Kyala. Kangi i Lisyu lyapeliigwe ukuya mbili kangi nukwitugasya pakati pitu.”), ukufuma ku Logos alinkusōka panja u—u nnyāmbāla.

<sup>23</sup> O, une ndinakyo ikipīcha ikimogi mu linogono lyāngu lilino, linga ugwe ubagīle ukwēga ubwendo ubunini na une. Une ngusubila une njobilepo pa kyēne pabutasi, loli ukwēga iki ku buyo kūko ugwe kwisa naloliloli ukukibona ikyene. Lilino, unko uswe twege akabulendo panandi nukugomokela pa kabalilo kanini. Lilino, komma ukwīgonōna isya kapyēlo ukwēne kuli, unko uswe tufikisye amīnogonēlo gītu pa iki uswe twisakuyobelapo nu kwīnogōna lilino.

<sup>24</sup> Unko uswe tugomokele ku fyinja maelifu-elifu mia yumo bo kukāli ukuyako siku i ndondwa, mwesi, pamo kalikosa nkisu. Lilino, kālipo akabalilo kāko kakālipo nakamo apa, ukwēne kwāli itolo kwasyēpwa na Syēpwa. Kangi bōsa ba bwīla na Syēpwa bwāli Kyala, Umwēne āli kula mbwandilo.

<sup>25</sup> Lilino, unko uswe tubūke pānja apa pa lwēnge lwa lupaso nukukēta ukukilania nukukēta ifīndu ifi fikuboneka.

<sup>26</sup> Lilino, “Nayumo umundu ambwene u Tāta pa kabalilo kalikōsa.” Nayumo u mūndu abagīle ukumbona Kyala mu bubūmbe bwa mbili, panongwa yakuti Kyala akaya mu bubūmbe bwa mbili, Kyala yo Mbepo. Muketile? Umma ndaga. “Nayumo u mūndu akētīle u Tāta, lōli yu ntiga umpāpīgwe gwa Tāta yo amfumwīsyē Umwēne,” gwa 1 . . . Yohani, muketile.

<sup>27</sup> Lilino, lōli ketesya lilino, kikayapo nakimo, yilipo itolo i fwāsi. Bukayapo u bwelu, kukayako i ngisi, kikayako nakimo, ikyene kyo itolo kikuboneka nakimo. Lōli nkati mula mulimo ikukūlumba i Kīndu ikikīndakipeligwa, Yehova Kyala, Yūyo ākupilile i fwāsi yōsa iya buyo bōsa ku tubalilo tōsa. Umwēne āli ukufuma ku kusitakumalika ukufuma kwa kusitakumalika, Umwēne yo bwāndīlo bwa kipeligwa. Uyo yo Kyala. Kabagila ukukēta nakamo, kabagila ukupilika nakamo, komma ubwendelo bwa atomu mu mbepo, komma nakamo, komma ni mbepo mma, umma nakimo, loli pōpe Kyala āli kula. Yula āli Kyala. (Lilino unko uswe tukētēsye ku maminiti manandi, kangi ukufuma pa kabalilo . . .) Nayumo u mūndu akētīle lkyo, lilino, Uyo yo Tāta. Uyo yo Kyala, u Tāta.

28 Lilino ketesya. Polelo bo kakĩndilepo akabalilo une ngwanda ukuketa u Lumuli ulunini lukwanda ukubũmba, bo sahani innini pamo ikindukimo, ugwe ubagile itolo ukuketa ikyene ukwisila mmaso gamwambepo.

29 Lõli keta lilino, akabalilo kako uswe tukuketesya, ikipanga kyosa lilino. Uswe twimile pa lupaso ulukulumba ulunywamu, tukuketesya iki Kyala ikubomba. Kangi uswe tukubũkága kulakula pási ku lilálúsyo ili apa kangi umwe mwisakukêta mũmo Umwêne ikutwála ikyêne nkati.

30 Lilino, nayumo ālimbwenemo Kyala. Kangi lilino, ikindu ikikõnge uswe tulinkwanda ukuketa, ukwisila mmaso ga kukêtela mukikindekipepigwa, uswe tukukêta akanini akêlu aka Lumuli kikubũmba panja pala. Ngimba kyo fiki kila? Yula ākoleligwága, ukwisila mu bafunda i Bāngéli, “Logos,” pamo “umpakigwe,” pamo “u bupakigwe,” pamo i . . . mũmo une nāyága pakuyoba, i—i kiyabo kya Kyala kilinkwānda ukwiwēnga mu kindukimo ukuti abāndu ba bũndu babagile ukuya nu luko lwa mĩnogono iki Ikyēne kyāli. Lwāli u lunnini, lwāpāsi . . . u Bwēlu ubunini, bukwēndelēla. Umwēne . . . Lila lyāli Lisyu lya Kyala.

31 Lilino, Kyala ālipele Mwene ubupapigwe ku Mwanundumiana uyu āli bo kukāli nukuya i atomu yimo mu . . . pamo i mbepo ukupela i atomu. Yula āli . . . Muketile, Yeso alinkuti, “Nyimikaga Une, Tāta, nu lwĩmiko ulu Uswe twāli nalo bo lukāli u lwālo lwa kĩsu.” Muketile, kubutali kunyuma nkati mula.

32 Lilino, mwa Mwikemo Yohani 1, Umwene aatile, “Kubwandilo bwaali Lisyu.” Kangi ikyākwanda . . . “Kangi i Lisyu aali Kyala. Kangi i Lisyu lyapeliigwe ukuya mbili kangi nukwitugasya pakati pa uswe.” Kyala ikwisetula Mwene, pási ku mundu gwa bũndu. Lilino kêtēsya mumo Umwene ābombile ikyene.

33 Lilino, kunyuma kula, polelo, akabalilo kāko ubwelu ubunini ubu bukwisa. Lilino, uswe tukabagila ukukêta nakimo mpaka na lĩno, lõli itolo ukwĩsila mu fisige fya itolo kikindakipepigwa uswe tukukêta i ndelema ya lumuli yĩmile pala. Lilino, uyo yo Mwanundumiana gwa Kyala, u Logos. Lilino, une mbagile ukumbona Umwene ikukina ukusyungutila bo u mwāna unnini, pankyeni pa kifigo kya Tāta, na Syēpwa gwēsa. Muketile? Kangi, lilino, polelo mu kayĩlo kakwĩnogonela Kāke Umwēne alinkwānda ukwĩnogona isya findu ifi fikuyága, kangi une mbagile ukumpilika Umwene ikuyoba, “Unko kuyeko ubwelu.”

34 Kangi akabalilo kāko Umwēne ābōmbĩle, i atomu yāpufukága kangi i lisuba likwisa mu kuyapo. Akēne kalinkusyungutila kuli mamia ga maelifu-elifu ga fyĩnja, ukubũmba ifinyeke, kangi nukōkya, nu kubũmba ngati ikyēne

kiyilile umwīsyūgu; kikāli kikwāka, kikāli kikumenyānia ama atomu. Linga i kipufulo kwa atomu kyābagilemo siku ukwābuligwa, unyololo gwa atomiki āngali gukwēga. . . ikīsu iki āngali kikuya ngati lisuba, ukukilania, itolo kikipufuka nukupūta. Linga ugwe gwābagile ukwīma ukukilania pa kīsu ikīngi nu kukēta ukufuma kula ku iki, ikyēne āngali kikuboneka ngati i lisuba ilīngi, kūko ama atomu gōkyaga i kīsu iki, linga u nyōlolo gwābagilemo siku ukwābuligwa ukuya mwābuke kangi ikyēne itolo kikwānda ukusyūmbutuka, ukusyūngutila bo lula. Maelifu-elifu na maelifu-elifu ga mamailosi gikufika indapi inywāmu isi isya ma biliyoni ga Fahrenheit, ga—ga—ga bupyāno ubu bukusōka ukufuma ku lisuba lila.

<sup>35</sup> Lilino, kētēsya iki lilino. Kimogi! Lilino, Umwēne ātēndīke ilisuba. Kangi polelo, ikīndu kyakwānda umwe mumenye, ikinyeke ikinywāmu kilinkugwa ukufuma ku kyēne, kyāli kisito ukufwāna. . . itolo kifuki ngati i kīsu iki, kilinkubūka, “Spyuu!” Polelo uyu Logos apa lilino, u Mwanundumiana gwa Kyala, ikukētēsya ikyēne, Umwēne ikukeleka ikyēne ukugwa kuli ifyīnja maelifu-elifu mia yumo kangi Umwēne ikukīmika ikyēne. Polelo ikīngi kimo kikubebeluka ukusōkako, kangi Umwēne ukukelaka ikyēne (kilinkubebeluka ukusōkako) ukugwa kuli maelifu-elifu ga fyīnja, polelo Umwēne ikukyīmika ikyēne. Lilino, uswe twīmīle, ukukikētēsya ikyēne kikwīsa mu kuyapo.

<sup>36</sup> Lilino, Umwēne alinakyo ikindukimo mu linogono Lyāke, kangi ngimba Umwēne ikubōmba fiki? Umwēne ikusimba i Bāngēli Lyāke lyākūwānda. I Bāngēli lyākūwānda u nnyāmbāla uyu ākētīlemo siku lyāli ndondwa, i zodiyaiki. Kangi ikylene kyo kipelelesye. . . itolo. . . Ikyene kyalīngilēne ni Bangeli ili apa. Ikyene kikwānda itolo, ikyakwānda kya zodiyaiki yo mfunde. Ngimba ikyo kitalusye? I kyābumalikisyo bwa zodiyaiki kyo fiki? Leo, i ngalamu. Uko ko Kwisa kwakwānda kwa Yeso, Umwene aalisile ukwisila mu mfunde; u gwa kibili, Umwene ikwisa ukuya Ngalamu ya kikolo kya Yuda. Muketile? Akisīngwīle ikyēne mōsa pānja, ingulilo ya kansa, kangi kilikyōsa ukusuluka ukukīndamo. Lilino, Umwēne alinkubūka kila kyōsa mmwanya nu kukibūka ikyēne pānja. Bosa aba metiyori, ifipatu fya kīsu, pamo ilisuba, fitūlike panja apa.

<sup>37</sup> Lilino, akabalilo kāko sayansi yikubūka ku kulōndelōnda gila i misopigwe gila gikūgwa, kila kitikuntobesya Kyala, ikyo itolo kikupela ikylene ukuya kyabwanaloli. Lilino, lilino kētēsya, fyōsa ifisopigwe ifi fitūlike panja pala kubutali ukufuma ku lisuba ilipyāno, kangi fikubūka panja ukukīnda mu mbepo, ena, abēne bafibūngēnie. Kangi ikīndu kyākūwānda umwe mumenye, ikyēne kilinkūwānda itolo amatalala ga matalala.

<sup>38</sup> Lilino, kila kyāli iki ikīsu kikwīka ku kuyako, itolo ikinywāmu ikipatu kyaiyolo ikya kikalasila kikubebeluka

ukusôkàko panja ukukilania. Pâsi kûsi kwa ikyène lilino kyo nakimo lôli ikyakusyûmbutuka, ubutêka bwamoto, lôsa, i ndêko-sya-moto sikwîsa kulikôsa, ikyalutêko. Kangi sayansi ikwi-yobela ukuti—ukuti ikisu iki, ukikalasila pamwanya pa ikyene, kûko uswe tukwîtûgâla, kyo itolo kifuki ngati kyakupâtula pa apulo. Kangi bosa aba... Lilino, galipo mamailosi elifu malongo-mabili-na-mahano ukusyungutîla, ikyène kyo lumo mamailosi elifu lwêle (ikyô kibagile ukuya kifuki mamailosi elifu lwêle) mbupapate. Kangi inogona itolo, isya nkati mula, ikyene kyo kipye kya butêke bwa kisu.

<sup>39</sup> Kangi fibili mwa fitatu fya kîsu, kinunupo ukukinda fibili-fya-fitatu ba ikyène, go mmîsi; kangi kimo-mwa-fitatu fya ikyène kili mu kîsu, kifuki kimo-mwa-fitatu. Kangi aka akanini aka, akakalasila aka uswe tulimo nu bumi, ikyène kyo kîswîle ni fipufulilo ifibîbi, imbepo, amafuta, kilikyosa. Ngimba uko kutalusya? Kangi fibili-mwa-fitatu fya ikyène, ikinywâmupo ukukinfa fibili-mwa-fitatu fya ikyène, mîsi. Ngimba i ubôngânie bwa mîsi fyo fiki? Ifiyabo fibili fya haidrojini kangi ikiyabo kimokyène kya okusijini, fipufulilo.

<sup>40</sup> Galipo amagesi agakufwâne nkyûmba kilikyôsa ukupâgulânia ubupyâno ukufuma ku butalalifu, kangi ikyène kisakupela amagesi gakufwana ukupufula i kyûmba. Ugwe ubagile ukubîka ama atomu agakufwâna mu mpila gwa gôfu ukupufulania New York ukusôkâpo pa kisyo kya kîsu. Kangi polelo u nnyambala, itûgêsye pa ndeko ya gehena, ikwikoma mwene mu kipâmbaga nukupîka i Lisyu Iya Kyala, nukuyoba, “Bukayapo ubuyo bwa luko ulu ukuya gehena.” (Une ndinakyo ikyo pâsi apa panini, kangi uswe tukuyaga pakufika pa ikyo, muketile.) Ugwe gwitûgêsye pa ndeko innywamu iya ikyène ilisiku lililyôsa. Kangi akabalilo kako ugwe uli apa ugwe gwitugesye itolo pa kyene, kangi u gehena ali itolo pâsi pa ugwe.

<sup>41</sup> Kangi lilino, kêtésya, lôli lilino akabalilo kâko iki kyâlyâgîgwe tâsi, akabalilo kâko Yeso... Lilino kêtésya i ndelema-ya-bwelu innini ukukilania. Lilino une mbagile ukukibona Ikyene kikusôka panja ku kîsu iki nukufyûkîla pa mwanya pa ikyene nukwânda ukukyendesya ikyène ukukilania apa kifuki ku lisuba. Ikyène kyo nakimo lôli umpila unnywâmu gwa matalala. Kangi akabalilo kâko ikyène kilinkwânda ukwêngelûka, polelo imibwe gwa matalala imikulumba iminywâmu gilinkwânda ukutumula ukukînda môsa mu fisu fyakululu nukusuluka pâsi. Kangi akabalilo kako ikyene kyabombile, ikyene kilinkutumula panja Kansas na Texas na mabuyo gosa gala kula, nukukîndilîla mu Likûnda Iya Mexico. Kangi ikindu kyâkwânda umwe mumenye, ikindu kyôsa kyâkupililîgwe na mîsi.

<sup>42</sup> Polelo, lilino uswe tukufika mu Bwandilo 1, uswe tukufika ku i Bangeli lilino, kangi ukufuma ku ikifwani kytu ku



i Bangeli. Bwandilo 1, “Ikisu kyáli kisita bubumbe, kangi ngelebuno; kangi a misi gali pa kisyo kya busoloke.” Ngimba ikyo kitalusye? “Kangi u Mbepo gwa Kyala alinkwēnda pa misi.” Lilino, Umwēne āpāgwile a mīsi, alinkutwāla mmwanya utwāmba ni fisu na fyōsa bo ifyo; ukukyūmika ikyēne. Fimela na filifyōsa, Umwēne ātēndike ikyēne. Kangi Umwēne ātēndike u mwēsi. Kangi alinkubika imipaka gyāke, igya nyānja, ukuti iyēne yikābagile ukukilania.

<sup>43</sup> Umwēne alinkwēga ifīndu fyōsa fila palikimo, fipeligwe...?.. Alinkupela fyōsa ifīndu ifīngi, bōsa ubūmi bwa finyamana, i njuni, i njuki, aba salila, kangi kilikyosa ikylene kyāli, ukubika fyōsa fya ikylene apa pa kisu. Kangi polelo Umwene alinkulalusya ililaalusyo ili lilino. “Unko Uswe” (Ywani? Tata nu Mwanundumiana) “ukumpela u nnyambala mu kifwani Kyitu Kyēne.”

<sup>44</sup> Lilino, linga u nnyambala ātendekigwe i kindukimo bo u Lumuli ulunini lūla pala, pamo ikindukimo bo ikyo, Ikyene kikābagile ukukētigwa (iki kyo Kindu kyamwambepo). Umwēne abonekile pamo ikwibālula Mwene ukuya panini ukongelelapo, ukupela ubutatu bwa Mwene ukwisila mwa Tāta, Mwanundumiana, kangi Mbepo Mwikemo. Kangi apa ālipo Kyala, ikwibālula Mwene lilino, pāsi mu “unko Uswe tutēdeke u mundu,” uyu āli mwanundumiana Gwāke, kimela ukufuma ku Mwēne, “nnyāmbāla mu kifwani Kyitu Mwēne,” umwēne āli kīndu ikikīndakipeligwa. “Kāngi unko umwēne ayege nu bulagili pamwanya pa ng’ōmbe sya nkibānja, na fyōsa bo ifyo.”

<sup>45</sup> Lilino, unnyambala alōngolile unnyambala... alongolile i—i ng’ōmbe na filifyosa, itolo bo mūmo Mbepo Mwikēmo ikulōngosya u gwānaloliloli, ugwabwanaloli umwītiki umwīsyūgu. A Masyu ga Kyala panja pala... A masyu ga mundu, ndigi, gabagile ukuyoba nukuyoba... bilikila i ng’ōmbe mu njila *iyi*, bilikila i ng’ōsi ukukilania mu ndeka *iyi*, bilikila iswi ku mīsi *aga*. Muketile, umwēne āli nu bulagili, kilikyōsa kyāmpilikilaga umwēne.

<sup>46</sup> Lilino, lōli polelo pakālipo u mūndu ugwakulima umfu, Bwāndilo 2, nayumo u mūndu ukulima umfu. “Kangi polelo Kyala ālinkubūmba u mūndu” (Bwandilo 2:7) “ukufuma ku lufumbi lwa kīsu.” Lilino Umwēne ākōngesīsyē... Umwēne ābumbile u mūndu ukufuma ku lufumbi lwa kīsu, nukubika u Mbepo nkindekipeligwa uyu... .

<sup>47</sup> Lilino, umwēne ālambalēle pala. Une mbagile ukuya ni fifwāni fīngi fya ikyēne. Une mbagile ukumbona Adam imile... Unko uswe twēge injila *iyi*, ukumbona umwene imile ngati mpiki. Kyala ālintēndike umwēne. Umwēne āli mfwe mūmo umwēne ābagile ukuya; inyobe syāke, ngati misisi, silūkisigwe mu mfu. Kangi Kyala alinkuti, “Unko kuyeko kula,” pamo atūyile umūyi gwa būmi mwa umwēne, kangi umwēne

alinkunyēla, alinkwīsa ku mwēne. Umwēne āli u. . . Linkutūya u mūyi gwa būmi mwa umwēne, umwēne alinkuya moyo gwabūmi. Lilino, kangī umwene alinkwanda ukwenda nkyeni, ukukindilila.

<sup>48</sup> Kangi polelo Kyala ālyegīle ukufuma ku lubafu lwake akayabo ka mwene, ulubambo, nukupēla u nkikulu. Lilino, ngimba ko kūgu Umwene alimmwagile u mbepo, nkikulu? Muketile? Akabalilo kako Umwene. . . Bwandilo 1:26, Umwene alinkuti, “Unko uswe tutēndēke u nnyambala mu Kifwani Kyitu, ukufuma mu Kyītu Kyēne—Kyēne ikifwāni, alinkwabapela abēne (nnyāmbala) kinyāmbala kangī kikikūlu.” Umwēne ātēndike u mbepo unkafu kuli u nnyāmbāla; Umwēne ātēndike u ntōfu, unnini, umōnywa, ugwakikikūlu u mbepo kuli u nkikūlu.

<sup>49</sup> Kangi akabalilo kako ugwe kukēta u nkikulu ikubombela bo nnyambala, umwene asokilepo pa buyo bwake, umwe muketile, ku bwandilo. Muketile? Umma ndaga. Umwene abagīle. . . Une ngwinogona ikyene kyo kikosyasoni ukuti abakikulu batāgīle ubwābo ubotofu, ubuyo ubwakikikulu. Ikyene kyo kikosyasoni. Une ngubabula umwe, ikyene kili. Ikyene kyo. . . Umwe mumenye, une nguyobaga iki. Lilino, une ndikuyoba isya umwe bakikulu apa. Lōli, ena, linga ikyene kikufulasya, ikyene itolo kikubomba. Lōli, kēta, unko une ngulālūsye ugwe ikindukimo. Ukwēne kwālisibiligwe ukuti abakikūlu bāli bakikikūlu fiyo mpaka u nnyāmbala abagīle ābūkaga kukuyoba ku bēne kangī abēne bābagile ukutenia. Huh! Ngimba ukutenia kyo fiki, mulimōsa? Une ngakibonamo ikyēne nkabalilo katali une ngabagila nukumanya iki ikyēne kyāli linga unkikūlu atenyile. Abēne bakaya nabo lulilōsa lwa lwīyindiko lula kangī mma, fyosa ifi kula ununu ugwakikikūlu umbepo. Abēne bo itolo. . . Abēne babagīle. . . Abēne bisakufwāla imyēnda bo nnyāmbāla, ukutumula inywili syābo ngati nnyāmbāla, ukukwesa ngati nnyāmbāla, ukunwa ngati nnyāmbala, ukutuka ngati nnyāmbala, ukusala ngati u nnyāmbala, ukubōmbi’imbombo ngati nnyāmbāla, fiyo, ukuya ntogamafu, unkafu. O, mwe! Ikyo kikubonesya kuko ugwe kufimbilisigwa ukubomba. Ikyo kyo katikati.

<sup>50</sup> Unkikulu yula unnini-ngati, ugwe utikumbona umwene fiyofiyō kangī mma, umwene yo mundu nkafu ukummwaga. Ngimba ikyo kikaya kitalusye? Ena, ubo bo bwanaloli. Popāpo u nkikūlu atikulōndigwa ukwīma mmwanya nukubōmbela ngati nnyāmbāla, nnywāMu kangī nkafu, panongwa yaktu umwēne yo ntōfu. Kyala ātēndike umwēne injila yila. Une mbagīle ukusisimikisya ikyo ukwisila mu Masimbo. Ena, nkulumba. Uko ko kotalusya. Kangi. . .

<sup>51</sup> Lōli, ena, uswe tukusōkāpo pa lilālūsyo ili, lōli une ndikulōnda ukwēga fingi fiyo ukufuma mu lilālūsyo ili. Loli, muketile, pala po apa Umwene āpelile u nnyambala Gwake gwakwanda, āli mu kifwani Kyake Mwene.

52 Kangi polelo, Kyala, bo kukāli nukuyako i ndondwa, āménye ukuti ikīsu iki kikuyaga. Kangi Umwene amenye ukuti une nguyaga William Branham ikulumbilila Inongwainunu ukufuma kukigemo kangi ugwe kuyaga *John Doe* itūgésye pala ukupilikisya ku Kyène, bo ikīsu kikāli kikandamo siku. Haleluya!

53 Lilino, apo po pāpo abāndu utubalilo tumo, mu—mu bandagilo na ba kiKalvinisti, bikufika mōsa ukuya bafuluganikane. Muketile? Abene bikuyoba, “Nongwa ya fiki bamo basunguligwe ukuya batagigwe?” Kyala atikulonda ukuti yumo apyutigwege. Umwēne atikulōnda nayumo ukupyūtīgwa, lōli tāsī, ukuya Kyala, Umwēne ikumanya filipo fimo ifi fitisakwītikisya Ilyēne. Muketile? Muketile, Umwene alinafyo. . .Umwene abagisenie ukumanya ubumalikisyo ukufuma ku bwāndīlo ukuti ayege Kyala. Bule Umwene?

54 Popāpo Umwēne āménye Umwēne āyaga pakuya na bakīkūlu bamo, popāpo Umwēne itolo ātēndike u mbepo gwābo palapala pala. Ili Bangeli liyobile Umwene ābombile, mu 1, Bwandilo 1:26, “Umwene alinkumpela umwene, nnyambala,” nkifwani, “ikinyambala ni kikīkūlu.” Ameni. Muketile? Mu kifwāni, Umwēne ātēndike unkīkūlu nu nnyāmbāla bo abēne bakāli bakabūmbigwēmo siku ukufuma ku lufūmbi lwa kīsu.

55 Kangi polelo Kyala alinkupela u nnyambala, komma mu kifwani Kyake Mwene. Umbili ugu gukaya nkifwani kya Kyala, umbili ugu guli nkifwani kya finyamana.

56 Ngimba une mbagīle ukufūla ikijāsī kyāngu? Ukwēne kikuya kupyāno pamwanya apa. Une ndi ni shati indepukano mfwēle, lōli umwe mutisakukētésya ikyo. Unkasi ālimbūlile une Jesse akālīsīle nukwēga kangi kubusukilo-imyenda, popāpo. . .Lōli, kēta, uswe tuli pa kimanyisyo apa lilino iki kikusanusya ifingipo ukukīnda nu shati indepukano mu kigemo. Ngimba ikyene kikaya? Ikyene kikusanusya Bumi bwa Syepwa.

57 Lilino, kētésya unnyāmbāla. Kyala āménye ku bwāndīlo ukuti Umwēne ikuyaga na banyāmbala na bakīkūlu, kangi Umwēne āmēnye ukuti u Mpoki abagile ukuya apa kangi Umwēne abagisenie ukutwala Yeso, kangi Umwēne āngāli ikukomeleligwa. Kangi Yeso ababulile abafundigwa, akabalilo kako Umwene ali apa pa kisu, ukuti Umwēne “ābamēnye abēne bo lukāli nu lwālo lwa kīsu,” bo i kīsu kikāli ukwisamo siku mu kuyapo.

58 Kangi Kyala alinkuti, yōpe, pamo Pauli ikuyoba, mwa Galatiya, alinkuyoba ukuti, “Umwēne ātusayile uswe nukutubilikila uswe mwa Umwēne bo ikīsu kyākāli ukubūmbigwamo siku.” Inogona isya ikyo! Ukuti Kyala. . . Aligwesa abagile ukupilika ifi i Lisimbo likuyoba isya ikyo, fyusya ifiboko fyinu. Ilyēne likukīndilīla mulamula mu lilālūsyo. Fikaga na une mwa Galatiya, untu gwa 1. Keta kuno. Une

ndikusanusya mu Bagalatia, une ngusanusya Baefesi. Pilikisya kifuki lilino iki Kyala ayobile, Baefesi 1:

*Pauli, untumigwa gwa Yeso Kristi nu bwigane bwa Kyala, ku bikemo aba bali ku Efesi, kangu ku basubiligwa mwa Yeso Kristi.*

*Ipyana liyege kwa umwe, nu lutengano, ukufuma kwa Kyala u Tata, kangu ukufuma kwa Ntwa Yeso Kristi.*

*Asayigwege u Kyala kangu Tata gwa Ntwa Yeso Kristi gwitu, uyu atu sayile uswe ni sayo syamwambepo syosa mibuyo igya mmwanya mwa Kristi Yeso:*

59 Lilino, apa ikylene kili, ketesya:

*Ukufwana na mumo umwene atu salile uswe mwa umwene bo ulwalo lwa kisu lukaligwa, . . . (whuu!)*

60 Ikyo kyo kinunu itolo. Bule ikylene? Ikyo kikaya kinunu fiyo, ikyo kyo nalolili kinunu! Bo kukaliko u lwalo lwa kisu, Kyala amenye Orman Neville kangu amenye ukuti umwene isakulumbilila i Nongwainunu. Ngimba ikyo kikaya kinyafu? "Asalile. . ." Fiki, umwene yo mbakasya gwa Kipanga, kangu Kyala amenye Umwene ayaga pakuya ni Kipanga kila. Kangu umwene alinkuti, Pauli ikuyoba ku kipanga kya Efesi, alinkuti, "Umwene atusalile uswe mwa Mwene." Lilino, uswe twesa tuli benekaya ba Mbili gwa Kristi. Ngimba uko kotalusya? Kangu Kyala, bo i kisu kikali kikabumbigwamo siku, akusalile ugwe kangu une mwa Umwene bo i kisu kikali kikabumbigwamo siku. Whuu! Mwe! Ngimba ikyo kikaya kinunu?

61 Lilino, u nnyambala gwakwanda, lilino, Umwene apelile u nnyambala gwakwanda mu kifwani Kyake, kangu uswe tukugomokela ku kifwani kila, uko ko kotalusya, ku ikifwani kiyu ikyakwanda ikipeligwa.

62 Akabalilo kako Kyala alimbele une, William Branham, une naliko bo lukali ulwalo lwa kisu, Umwene atendike ubundu bwangu, mbepo gwangu. Une ngasyagenie isya kalikosa mumo une manyile, loli i. . . Une nali kula. O, une—une ndikwitika umwe mukwega ikylene. Loli lilino, itolo i miniti, Yeso ababulile abafundigwa ukuti Umwene "abamenye abene bo lukali ulwalo lwa kisu," kangu Pauli ayobile apa ukuti "Umwene atusalile uswe mwa Umwene bo ikisu kikali ukwanda." Lilino, pala kyali ikiyabo kimo kya une, Orman Neville, kangu abangi ba umwe mwesa apa, ikyo kyo mwa Kristi Yeso bo ikisu kikaandamo siku. Kangu apa ko kulingania kwangu kya ikyo. Une ngwinogona ukuti abandu mwisyugu aba bakoligwe nu Mbepo uyu, pamo u mbepo, i kiyabo kya bundu bwabandumi ubu, imbepo isi syasyumbutukaga kula ukufuma kwa Kyala, isi sikagwilemo siku mbwandilo nukukanikana nu busyobi bwa mohesi ku Mwanya.

63 Kangi fibili-mwa-fitatu ifya kīsu fili mbutulwanongwa, kangi ubwīngipo ukukīnda ikyo, iki babili-mwa-batatu ba bāndumi bākagigwe pānja. Kangi imbepo sya misyētano sila sikwīsa mbāndu nu kwītugala mmibili gyābo. Muketile iki une ngusanusya? Igyēne gyo misyētano igi akabalilo kamo. . . igyēne akabalilo kamo gyāliko kangi igyēne gilinkwīsa nkati mbāndu nukubapa abēne akayīlo. Yeso ākagile mihano-namibili gya igyēne ukufuma mwa Maria Magadalena. Lwītūfyo, ukwītūfyā (bāndu banywāmu, umwe muketile), ububwāpufu, ifyakinyanyasi, ubuhuni, ifinyonywo, ukulwāna. Ifindu fyōsa ifi, muketile.

64 Imbepo sila isi syapeligwe kunyuma kula akabalilo kako Kyala ālyandile ukutendeka unnyambala ukufuma mula mu kifwani Kyake Mwene. Āpelile ifindu ifikindepeliga fila, imbepo sila.

65 Kangi polelo Umwēne alinkumbīka u mūndu ndufumbi lwa kīsu, uyu yo āli nnyāmbāla gwākwānda, Adam. Kangi u nnyambala yula ātendekīgwe ukufuma ku kifwani, u nnyambala ugwabūndu uyu apa, atendekigwe ukufuma ku kifwani kya kinyamana. Imibili igi gitēndekīgwe mu kifwani kya finyamana.

66 Uswe tuli ni kiboko itolo ngati u salila, kangi—kangi tuli nu luyayo ngati kīndīngo. Ega akana ka kīndikingo akanini, kafūle akēne pāsi, kwāba ikipapa ukufuma ku mwēne kangi bīka pala palubafu lwa akabonda akanini akalīndwana kangi kēta ubukīndāne. Ha! Nkundwe, ugwe naloliloli kufimbilisigwa ukuketa kifuki. Kyōsa ikipāmbaga, ububūmbigwe, bo kifuki bumobwēne, injila iyi ikylene kitēndekigwe kangi ububūmbigwe bwa ikylene, na filifyosa itolo katikati. Ikyēne kyo nkifwāni kya būmi bwa kinyamana panongwa yakuti umwēne ātēndekīgwe ikindukimo pa lubatikano lwa kinyamana, panongwa yakuti yila yāli mbombo yāke ukulōngosya ikinyamana.

67 Kangi ugwe ega u Mbepo Mwikēmo ukufuma mwa mūndu, umwēne yo ali pāsipo ukukīnda ikinyamana, umwēne mbībipo ukukīnda ikinyamana. Ikyo kyo kindu kikafu ukuyoba. Lōli ugwe ega u nnyāmbāla uyu akamelesigwa kāngi mu līnogōno lyāke, kisita Mbepo Mwikēmo ukulōngolela aminogōno gāke, kangi—kangi ifindu bo ifyo, umwēne abagile ukusopa u bōnda ukufuma mu ngōngi sya māma nukummōnanga umwēne panongwa ya kinyonywo kyakinyamana. Ikyo kyo katikati.

68 Kangi u nkīkūlu uyu akaya kanunu. Ugwe ega u mama ngulube unkāngāle pamo imbwa ingāngāle, uswe tuyipēle iyēne u luko lōsa lwa ngamu panongwa. . . Lōli akayīlo kāke ko itolo twāna twāke, kangi ingulube kuli utwāna-ngulube twāke, lōli umbwāpufu unkīkūlu unsita-nongwa-nunu yo itolo bo. . . itolo gwakinyanyasi akabalilo kōsa. Uko ko kotalusya. Polelo kumbukilaga, ukuti umwe mwe. . . kisita Kristi, inyihyo syinu sili. . . sibagile ukugwa pasi pa mbwa. Uko ko kotalusya.

<sup>69</sup> Imbwa atikufimbilisígwa ukufwála imyēnda ukwīkupilila mwēne, nakimo ikinyāmána ikingi. Umwēne āli nnyāmbála uyu āgwīle, komma ubūmi bwa kinyamana. Lōli, ubūmi bwa kinyamana ukuya pāsi pa nnyāmbála (ubūmi bwa būndu), bwāli bwakwīlāmbika ku kyēne panongwa yakuti umūndu āli yo kalōngolēla gwāke kangī undongosi gwāke gwapamwanya. Kangi ikinyamana kilikyōsa ikya nkibānja kikutīla u mūndu.

<sup>70</sup> Yumo āndalusyāga une, utubalilo tumo, isya kufwima, “Ngimba ugwe kutīla ikylene?” Fiki, ikinyamana kilikyōsa iki kyāpeligwēmo siku kikutīla u mūndu, panongwa yakuti ikyo kibagile ukuya kyākufuma ku bwāndilo kunyuma kula. Muketile? Naloliloli sili. Ugwe kubopa kangī umwene ikukubopaga ukufuma pa ugwe, uko ko kutalusya, loli, imbwa pamo kalikosa ugwe kulonda. Umma ndaga.

<sup>71</sup> Loli lilino, ketesya lilino, unnyambala yūla akabalilo kako umwene ikwisa pasī apa. . . Lilino keta, apa. . . Ugwe kuyoba, “Lilino, bule isya ikylene lilino, Nkundwe Branham?”

<sup>72</sup> Lilino, apa umwe mukummwaga Kyala mu itolo katikati, kangī pakati pa Oneness na Butātu ugwe kwisa kukyāga i kindu itolo katikati lululu lilino. Lilino kēta! Akabalilo kako Kyala āgwīle, ikwibālula Mwene, ikwibālula Mwene pāsi mpaka Umwene ikusuluka ku nnyambala uyu. Lilino, u mūndu ātulilw’inongwa nayimo mwa mbepo gwāke, lōli mu mbili gwāke, ukunyonywa, ikinyonywo. Polelo akabalilo kāko umwēne ātulilw’inongwa, umwēne ālipāgwile mwēne ukufuma ku Ntēdeki gwāke. Kangi polelo Kyala, u Logos, u Mpeli yulayula gwa umwēne, āsulwīke pāsi kangī ātēdekīgwe mu kifwani kya nnyāmbála. U mūndu ātēdekīgwe nkifwani kya Kyala, kangī polelo umwēne ātēdekīgwe nkifwani kya kinyamana, kangī umwēne alinkugwa. Kangi Kyala alinkusulukila mu kifwani kya mundu, mu Nnyambala Kristi Yeso, ukukubilwa mu lubabo. Kyala akābagile ukukūbilwa ulubabo mwa Mbepo. Ngimba Umwene abagile bulebule ukukūbilwa ukubaba ukwamumbili mu Mbepo? Umwene akābagile ukubomba ikylene. Polelo Kyala ālisetwile Mwene kangī āpeligwe mu kifwani kya mundu, ukutabula u nnyambala uyu āsobile. Muketile?

<sup>73</sup> Kangi polelo Kyala aakubilwe mu nyōfu. Timoti Gwākwānda 3:16, “Kisita matāti,” ubo bo buyobelo, “kikulumba kyo kyākubutītu kya bunyakyāla. Kabuno Kyala abonike pabwelu mu mbili, akētīgwa na bāndūmi, alūmbilīlgwēpo, ku Bāpānj-. . . nu kwitikigwa, kangī ukwambililigwa mmwanya ku kiboko ikitalusye ikya Tāta.” Ngimba uko kutalusya? Kyala Mwēne āsulwīke pāsi nukwitugasya mu mbili gwa mūndu kangī ākubīlwe ulupēfyo. “Kyala āli mwa Kristi, ukusayana ni kīsu ku Mwēne.” Muketile iki u lugano luli? U Lugano lwa Kyala!

<sup>74</sup> Lilino, lilino, une ngwinogona ukuti ikyo kibagile ukwega ikyo, *nyambala* nu *nkikulu*. Lilino, unkikulu yo. . . Unko une nkyēge iki mu bununu lilino, ukuti umwe mubagile ukukibona ikyene, muketile. Nkikulu yo gwakwilāmbika ku ndume gwāke. Kangi i Bāngéli lyāyobīle ukuti “U nnyāmbāla abagile ukulagila pamwanya pa nkasi gwāke.” Lōli mūmo abēne balyāndulēnie ikyo! Unkikulu ikulagila pamwanya pa nnyāmbāla, “Lilino, ugwe syālāga kukāya, Yohani! Ugwe utikubūkāga!” Kangi ikyo kikumasya isyene, “Ena, gwempala gwangu.” Muketile?

<sup>75</sup> Loli unko une ngubule ugwe ikindukimo, nkulumba. Ugwe kuyaga pakufimbilisigwa ukwāmulila unkasigo, lōli unkasigo atisamo siku ukuya pakufimbilisigwa ukukwāmulila ugwe. Ugwe gwe ntu gwa nkikulu, kangi Kyala yo ntu gwa nnyāmbāla. Polelo Umwene alinkuti, “Unko u nnyambala atumulege inywili syake panongwa ya Kristi. Kangi unko unkikulu ayege ni nywili syake, kabuno linga umwene ikutumula inywili umwene ikuywelula untu ndume gwake.” Muketile? Umwe muketile ifi une ngusanusya ukwisila mu iki i Lisimbo likuyoba?

<sup>76</sup> Une nāli na bumu ubupyāno pa ikyo, kula ilisiku limo mu Shreveport. Abene bayobaga isya bakikulu, kangi abakikulu bikufimbilisigwa ukufwala inywili indali. Kangi une ndinkuti, “Unkikulu uyu ātumwile inywili syake, unnyambala ali nu bwabuke kangi ubwābuke bwa i Bangeli ukunsōsya umwene.” Uko ko kotalusya. Ikyo kyo iki i Bangeli likuyoba. Ikyo kyo katikati kotalusya. O, mwe! Abakikulu ba Mbepo Mwikemo bitugesye pala, itolo injila iyi abene bamanyisigwe, ikyo kyo kyosa. Muketile? Itolo, ikyo kitelemwike mbupepe.

<sup>77</sup> Umwene alinkuti, “Lilino, linga abene babagile ukutumula isyene, linga kalipo kamo katamisye abene bafimbilisigwaga ukutumula inywili syabo,” alinkuti, “unko bēge u lūbo nu kumw’ulupuyu isyēne syōsa ukusōsyapo,” kangi ukutēndeka inywili syake naloli simulikege, mpaka isyēne sikusōka ukufuma mu ntu gwāke. Uko ko kotalusya. Ikyo kyo iki i Lisimbo lyāyobīle. Ilyene likuyoba, “Linga umwene ikutumula inywili, umwene ikuywelula untu gwake. Kangi u nkikulu uyu gwakwiywēlūla ali nu bwābuke bwa ndagilo ukuya asosigwepo nu ku sosigwa-mbwēgi.” Lōli, umwēne akabagila ukwēga kangi, lilino. Lōli umwēne—lōli umwēne abagile ukunsōsya umwēne mbusōka-bwēgi. Uko ko kotalusya. Ilyo lyo Lisimbo. O nkundwe, iki uswe tukulondigwa syo kilo sya malālūsyo! Uko ko kotalusya. Uyo yo Bakorinti Bakwanda, untu gwa 14, linga umwe mukulōnda ukubala Ilyēne. Umma ndaga. Lilino, ikyo—ikyo. . . Lilino, unkikulu uyu. . .

<sup>78</sup> Kyala—Kyala āpelīle u mūndu, gwakinyāmbāla kangi ugwakikikulu. Umwe mukukēta iki Umwēne ābōmbīle? Umwēne ātēndīke u nnyāmbāla. Umwēne ātēndīke. . . Lilino, ilyo lyo lilaalusyo lyākwanāda, muketile, “Āpelīle Umwēne abēne,” na fyosa bo ifyo, Bwandilo 1:26. Bwandilo 2:7, “Umwēne

ābabūmbīle abēne ukufuma ku lufumbi lwa kīsu kangī alinkutūyilāmo mu mbulo syāke.”

**Ngimba bo bukīndane nki, pamo—pamo buli kūgu ubulunganisyo ubu mu Lisimbo lyapamwanya? Ngimba bo bulunganisano buki unyāmbāla gwakwānda alinabo nu nyāmbala gwakibili?**

<sup>79</sup> U nnyāmbāla gwakwānda yo nnyāmbāla gwakibili atēndekigwe ukubonekela mu mbilikanilo sihano. Muketile? Lululu lilino ugwe ukabagila—ugwe ukabagila ukumpalamasya Kyala ni fiboko fyako bo *ulo*, ugwe ukabagila ukumbona Kyala ni fisige fyako. Umwene akākipela ikyene kwa ugwe ukubomba ikyo. Ugwe uli . . .

<sup>80</sup> Ngimba umwe mupilikemo siku u mwikemo ugwaiyolo ikufwa, akabalilo kako abene bikuyoba, “Alipo u māma, une ngammbonamo umwene pa fyinja”? Ngimba umwe mupilikemo siku ikyo akabalilo kako abandu . . .? Muketile, iki ikyēne kili, ifisige ifi fikusimilila kangī ifisige ifikindakipeligwa fikusegelela mula. Muketile? Kangī polelo utubalilo tumo linga uswe, linga Kyala ikutēndeka lūlo, uswe tukukēta imboniboni kuko ikisige ikipeligwa kikusimilila. Papapa pankyēni pa uswe, uswe tukukēta papapa ukutalula, kangī pala yilipo i mboniboni pankyeni pa uswe ukunāngisya ifindu ifikindakipeligwa ifya Kyala. Muketile iki une ngusanusya?

<sup>81</sup> Polelo lelo, kēta, “Akabalilo kako ikitembe kyamfu iki apa . . .” Lilino, mwe bamo ba umwe bakikulu nu nnyambala apa mukukangala. Kēta, “Akabalilo kāko ikyamfu . . .” Une ngwīnogōna isya tāta ugwaiyolo pala, ifyinja malongo-mahano-na-mana-na-fibili mbukusi. “Akabalilo kāko ikitēmbē ikyamfu iki kyēngelwike, alipo pala mūndu gwamwambepo, u mbili ugwamwambepo gukugūlila uswe ugu gukabagila ukupyūtīgwa.” Une nisakwāgāna na ugwe kula. Une nisakwēnda ukukilania . . .

<sup>82</sup> Une ngabagila ukumpalamasya u Nkundwe Neville nkati mu—mmwanya mula, panongwa yakuti Yohani ababwene abene kangī abene bāli imyoyo pāsī pa kigemo, bikukuuta, “Kabalilo katali bule, Ntwa, kabalilo katali bule?” Umwe mumenye nongwa ya fiki, uswe twākindilemo mu Busetuli. Kangī mūmo fikuti nkati mula abēne bānyonywāga ukugomokela nukuya bafwikīgwe ni mbili igyakufwa. Abene bākūtāga, “Kabalilo katali bule, Ntwa?”

<sup>83</sup> Lilino, abēne bāmanyene yumo nu nnine, lōli abēne bakābagīle ukuyoba nukuponia amaboko, pamo, une ngwinogonela abene bābagīle ukuyoba, loli abene bakābagīle ukuponania amaboko na fyosa bo ifyo. Apa po kilipo ikifwani ukusisimikisya ikyene. Akabalilo kāko undosi gwa Endori ālinkōlile u mbepo gwa Samuēli, kangī Sauli alinkunkēta umwēne kangī umwēne alimmwāgēnie umwēne ukuya Samuēli.



Kangi Samueli alinkumwāgānia Sauli kangi alinkuti, “Nongwa ya fiki ugwe gwālingōlelāga une ukufuma ku butusyo bwāngu, ukuketa ukuti ugwe gwisile ukuya ndugu gwa Kyala kangi Kyala asōkiléko kwa ugwe?” Ngimba uko kotalusya? Kangi pala ālimile Samueli ugwaiyolo nu nselekesye gwa nsololi gwāke, kangi umwene alinkunkéta umwene. Umwene āli mu sūti.

<sup>84</sup> U ndosi ālimbwéne umwēne nu ukugwa pa mfu, alinkuti, “Une ngukéta abakyāla bikufyūsya mmwanya pa kīsu.”

Umwene alinkuti, “Ngimba fiki ugwe ufulugenie une?”

Kangi umwene alinkuti, “Ena, une ngulonda ukumanya mūmo ubwīte bukubukilaga.”

<sup>85</sup> Alinkuti, “Kilabo ugwe kwisakufwa mbwīte,” kangi a bānabalumiana bake bāyāga, “kangi pa kabalilo aka kilabo nkilo ugwe kuyaga na une.” Muketile? Lilino, umwene āli mabyebye, kangi umwene ābonekaga itolo mumo umwene ābombīle akabalilo kako umwene āli apa pa kisu, ku ndosi yula uyu imaga, ikunkéta umwene, na Sauli.

<sup>86</sup> Lilino, kētésya. Utubalilo twingi . . . Bule u Tāta pamo Māma akabalilo kāko abēne bāfwāga kangi bababwēne abaganígwa bābo bimile pala? Abēne babāgénie abēne. Lōli ikyēne kili mu mbili unkindafipeligwa.

<sup>87</sup> Lōli lilino apa po kilipo ikiyabo ikyālwīmíko. Pa kugomokela kwa Yeso ku busyuke, ugwēne gutisakuya mbili gula. U mbili gula akabalilo kala, umūndu yula unkindakipeligwa uyu Kyala āpelile mbwāndilo, uyu isakugomokelāga ku kīsu ukwēga u mbili ugūngi, kisita kupāpígwa nu nkikūlu, lōli ukupela ukwisila mwa Kyala (Aleluya!), siku ukuya nkangale pamo ukuya ni nginya, nasiku ukuya ni nywīli isyambuha pa ntu gwāko, lōli ukuya mpelelesye, bwilanabwila! Aleluya! O nkundwe, ikyo kibagile ukumbela une ukuywēga pa kilo ikipyāno! Uko ko kotalusya! O, “unselekesye ugu ugwa nyōfu une nisakugwīsya pāsi, nu kufyūka nukukōla ikwabupi ikisitakumalika!” Ngimba kyo fiki nkīsu uswe tukufīmbilisigwa ukupāsya nafyo?

<sup>88</sup> Lulipo ulutēndéko lōsa lulambaléle palapala pala, mūmo Kyala āpelile une mbwāndilo. Une ngwīsa kuno pa kīsu, nālyégile ubuyo bwāngu ukuya ndumbilili gwa Nongwainunu, pamo ugwe ukuya nnyambala pamo nkikulu nu bupoki, uswe tukuya nu bumi ukwisila mu lipyana lya Kyala. Aleluya! Kangi i mbepo yilayila yikusōkamo muno iyi yāli kunyuma kwīsilya mbwāndilo. Une ngubukaga ukugomokela ku kuyapo kwa kumanya une nāli kuno, (Aleluya!) kangi polelo gūlila pala pāsi pa kigemo, nsayigwa bwilanabwila, mu butusyo. Kangi polelo akabalilo kāko ngugomokela, une ngwēga u mbili gwāngu mu bulabula bwāpakyāmba bwa bununu, bo bukāli ubufwe ukugutika ugwēne.

<sup>89</sup> Ubufwe bukukutika ugwe ukufwana ifyinja malongo-mabili-na-fibili pamo malongo-mabili-na-fitatu mbukusi, ugwe kwanda ukutolígwa. Ugwe ukaya nnyambala mma ugwe gwälisibile ukuya kangu u nkikulu uyu ugwe gwälisibile ukuya, ukufuma pâpo ugwe kufika kifuki ukufwana malongo-mabili-na-fihano, ikindukimo kikwîngîla nkati. I nginya sikwânda ukwîsa pâsi pa fisige fyâko. Ugwe ukabagila ukôga mûmo ugwe gwalisibilile. Malongo matatu, ugwe ubagile ukukêtesya ikyene kingi fiyo. Gûlîla mpaka ugwe kufika kula ku malongo-mana-na-fina, bo une, kangu polelo ugwe naloliloli uketesyağa ikyene. Lôli, O nkundwe! Gûlîla mpaka une ngufikaga malongo-lwêle, malongo-mahano-na-mana, kangu pa ngili yila, ukwîma pala. Ngimba ikyêne kyo fiki? Kyala yo itolo âmbikîle une mu lubopesanio ukubopa. Loli ilisiku limo ilyalwimiko . . . Ubo bo bufwe bukwisamo nkati.

<sup>90</sup> Une akabalilo kamo nâli mbugoloke-fibega, nâli ni nywili inditu (kangu untu gwiswîle ni syêne), kangu kisita nginya pâsi pa fisige fyângu; kangu ngêta une lilino, ukwînya pâsi, ifibega ukwînama, ukuya ntupano, kangu ingînya pâsi pa fisige, untu gwa kipâla. Fiki, keta iki ubufwe bukubomba kwa une ku finyinja malongo mabili ifi fyâkîndâga. Ubufwe bukubomba ikyo. Gûlîla mpaka une ngufika malongo-lwêle, linga Kyala ikunyîtikîsya une ukuya mûmi, kangu keta iki une nguboneka ngati, nîmile bo ulu pa ngîli iyaiyolo, nguyaganikana bo *ulu* ku buyobumo. Lôli, haleluya, ilisiku limo ilyalwîmîko, ubufwe bwîsa kwêga amatâti gâke amîsusye. Polelo akabalilo kâko une ngufyûka mu busyûke une nguyaga iki une nâli, iki Kyala âlimbêlile une apa pa kîsu ku bununu bwângu bulabula ubukîndafyosa, mu mbili unsita kutêndekîgwa nu Nka. Branham na Tâta. Branham, lôli umpeligwa ukwisila mwa Kyala Mwene; ukwâbuka ukufuma ku lupêfyo, mwâbûke ukufuma ku butulwanongwa, mwâbûke ukufuma ku kilikyôsa ikingi, nasiku ukuya nu bubine, ububabandumbula. O, mwe!

<sup>91</sup> Polelo une ngwêgâga amaboko ga nkasi gwângu unnini nukwênda pâsi ukwisila mu Paradiso gwa Kyala bo ulu, mbupya. Ugwe kubombaga ikindu kilakila. Komma unukulu ugwanywili-impufubu ugwe kulongolela ukusyungutila ikilo iki, kunkoolala unkasigo, loli umwêne isakuyaga itolo mmogi mûmo umwêne âyiliile i lisiku ugwa gwâmmwêgâga umwêne ku kigemo. Aleluya! Whuu! Ikyo kyo kifikilepo ukutendeka u mwinitu ikulalata. Bule ikyene? Muketile?

<sup>92</sup> Umma ndaga, ubo bo bulunganisano. Kyala asîsimikîsye. Akabalilo kâko Kyala ikutêndêka ilinogono Lyâke ukubômba kalikôsa, ikyêne kikufîmbilisîgwa ukuya. Sêtâno âlyônangêne ikifwâni iki ukwisila mu kinyonywo kya kugonana, ukwisila mwa nkîkûlu, ukutwâla panja abâna. Umwêne alinkukyônangania ikyêne. Popâpo kîndilila nkyêne kangu têndeka ikyêne, ikyo kyo kyôsa kinunu. Ubugonelo ubo bo

kupimba ifi, panongwa yakuti ikindu kyene iki ugwe kubomba mbumi ubu ko kupimba ububumbe bwāko ni kifwāni, iki ugwe uli. Linga ugwe gwe gwanywīli-ngesefu, ugwe kwīsa kuya gwanywīli-ngesefu akabalilo kala. Linga ugwe uli gwanywīli-nditu lilino, ugwe kuyaga gwanywīli-nditu akabalilo kala. Muketile, iki ugwe gwāli pa bununu bwāko. Kangi linga ugwe... Sētāno ikufubania ikipīcha, ugwe ukālyēgile nu... Iki Kyala ālōndāga ugwe ukuya, ugwe kwisakuyaga. O, mūmo kiyilile ikyalwimiko! Pala alipo unnyambala gwako.

<sup>93</sup> Lilino Bwandilo 2. Yoba, une ngufimbilisigwa ukubopela, une ngubagaga abene. (Ugwe uli nako ikindukimo? Ugwe uli nago? Ugwe ulinago galigosa? Ndinaga agene ukwamula?) Umma ndaga, Bwandilo 2:18-21:

**2. Kyala āpelīle Eva ukufuma ku lubambo lwa Adam, Bwandilo 2:18-21. Ngimba Kyala āpelīle u nnyambala na bakikulu, polelo ukumpela Adam na Eva—Eva?**

**3. Kangi ngimba Kaini ābūkīle ku kipeligwa itolo kya nnyāmbāla nu nkīkūlu ukuya nkasi gwāke?**

<sup>94</sup> Lilino, unko uswe lilino... Une ndiku... U mundu lumu alipo uyu āsimbīle iki. Lilino, akabalilo kako Kyala... Mu lilālusyo lyākwānda apa:

**Ngimba Kyala āpelīle u nnyāmbāla na bakīkūlu, aba Bwandilo 2:18-21?**

<sup>95</sup> Umma. Une—une... bo—mūmo umwe mukukētāga apa, 2:18-21 lilino, kētēsa:

*Kangi u NTWA Kyala alinkuyoba, Ukwēne kukaya kununu ukuti... nnyāmbāla ayege pamwēne; une nisakuntēdekela umwēne u ntuli nnīne kuli umwēne.*

*Kangi ukufuma mu mfu u NTWA... ābūmbīle ikinyamana kilikyosa... na fyosa bo ifyo.*

<sup>96</sup> Lilino, Kyala āpelīle Eva ukufuma ku lubafu lwa Adam. U nkīkūlu ali nasyo ulumbambafu lumu ulwakongelelapo umwīsyūgu mbutēndēke na mbutēndeke ukukīnda u nyāmbala ayīlile, panongwa yakuti ulumbambafu lwālyēgigwe ukufuma ku mbili gwa Adam. Adam ātalīle ātēdekīgwe kangi āli nu būmi, kangi āli pamwene, kangi polelo Kyala alinkuti, “Ukwēne kukaya kununu ukuti u nnyāmbāla afimbilisigwēge ukwitūgala pamwēne.”

<sup>97</sup> Popāpo abapūti aba na fyōsa bo ifyo aba bākānīsīgwe ubwabuke ubwa kuya nu nkasi. Lilino, ukuti, i kipanga kya Roma kibagīle ukubomba kilikyosa... Abo bo bēne, abēne bo bābo bikufimbilisīgwa ukwāmūla panongwa ya kila—panongwa ya kila, komma une.

<sup>98</sup> Ena, une nālālusīgwe nu—nu nnyambala, lululu ulu, alinkuti, “Ngimba ugwe kwinogona fiki?” U mpūti, alinkuti, “Ngimba ugwe kwinogona fiki ifyakufwana nu mpūti untubwa

yula apa nkaya kala uyu alinkwega unkikulu yula, undindwana yula, u ndindwana ugwa Jeffersonville apa, nukubuka nukunmmwega umwene?” Mu kipanga kya Irishi, umwe mukukumbukila. Une ngwibwa iki ingamu yake yali.

<sup>99</sup> Une ndinkuti, “Umwene āli nu bwingi itolo ubwābuke ukuya mmwēgi bo une ndinabo. Ikyo kyo katikati iki une ngwinogonela isya ikylene.” Une ndinkuti, “Ikindu kyene iki une nkikolife . . . Une ngwinogona umwene ābombile ubusōbi, umwēne āngali abūkile ku kipānga kila nukwisōsyāmo mbubombelambombo kangi polelo nukubuka nu kummwēga u ndindwana, mbuyo bwa itolo ukubopa bo lula.”

<sup>100</sup> Lilino, umwe mukukumbukila akabalilo kako ikylene kyābonike pa buyo imilungu minandi igi gikīndife apa mu Jeff., u mpūti gwa kiKatolika kiIrishi kūsi kuno. Umwene yo mwinitu unkeke, kangi umwene ābukaga . . . ali nu ndindwana yumo undumbula-nnyafu pasi apa. Kangi akabalilo kako umwene . . . Abēne bikumpa umwēne ikyābupi ikinywāmu ikikulumba, ikuyaga pakwandula ama parishu nu mwēne, ukuntuma umwēne kula ku Indianapolisi kubuyobumo. Kangi umwēne alinkwēga ikyābupi kya lugano, undīndwāna na fyōsa, kangi alinkusōkāpo nu kwakuya mwēgi, kangi abēne bakāpilikēmo ukufuma ku mwēne kangi mma. Ena, umwene āli nu bwabuke ukwega, loli umwene akāli nu bwabuke ukubomba ikyo. Umwene āngali akabagila ukubomba ikyo. Umwene abagisenie ukubuka ku—ku kipanga nukuti, “Apa, une ngwīsōsyamo mbubombelambombo ubu ukuya mputi. Une nguyaga pakwegana, kangi ikyo kikumasya ikyēne.”

<sup>101</sup> Loli, lilino, Kyala ikutendeka Eva, kangi—kangi Adam na Eva pa kabalilo kamokene, ikindu kyene iki Umwene āpelile kyo fikindefipeligwa, u mbepo Adamu na mbepo Eva, unnyambala nu nkikulu. Polelo, akabalilo kako Umwene āpelife . . . ukumbika Adam nkati muno, ikylene kikāli kinunu mma . . . Muketile, ikylene kyo kibonekelo kya Kyala kikubāluligwa akabalilo kosa. Kilikyosa bo iki, ikylene kyo itolo—ikylene kyo itolo kikwisa palapala pāsī, itolo kikwībālūla palapala panja, ukusōka panja ukwīsila mu Fyīnj’elifu ukukilania kula kangi mulamula ukwingila mwa Syēpwa. Itolo ikifwani kya Kyala itolo kikubālūla, Kyala ikwībālūla Mwene.

<sup>102</sup> Apa, Kyala ālībonisye Mwēne mwa Kristi Yeso, ukunangisya iki Umwene āli. Ngimba Yeso āli fiki? U Nnyāmbāla gwa butolwe, isibisēnie nu busulumanie, gwālugāno. Ku ndōgwe, “Bali kūgu abastaka bāko?”

“Une ngaya nabo nabamo, Ntwa.”

“Nanīne Une ndikukustāka ugwe mma. Būka, komma ukōnga kāngi mma.”

<sup>103</sup> Akatēla kangi mōnywa ukufuma ku kwēnda kifuki mamailosi malongo matatu ilisiku lila, ukukīnda mu misanga

gya lulangalānga ni fīndu; pala ālipo u nkīkūlu gwa ku Naini ikusōka panja; kangī undumiana gwāke ntiga, afwīle, alāmbalēle pala. Umwēne alinkwīmika ububāmbē bwa nīfwa, alinkwāla amaboko Gāke pa mwēne, alinkuti, “Sumuka.” Kangī undumiana uyu aafwile alinkusyuka kangī. Uyo—uyo yo Ntwa Yeso. (Ndaga ugwe, Teddy, mwanundumiana.) Kangī pala, yula aali Ntwa gwītu Yeso. Umwēne akālīmo siku nkatale fiyo, nasiku mōnywa fiyo ukubōmba kalikōsa akanunu. Umma ndaga.

Lilino apa kilipo ikindu ikingi:

**Ngimba Kaini ābūkīle ku—ku kipeligwa kyākwānda kya nnyāmbāla nu nkīkūlu ukuya nkasi gwāke?**

<sup>104</sup> Lilino, pala lilipo ilitīlisyē ililālūsyō ilisekesyē, lilino pilikisyā nalōli kifuki. Lilino, o, une ndinakyō...umwe mubabwene abāndu bikubīka mu kalatasi, “Ngimba ko kūgu u Kaini ālimmwāgīle unkasi gwāke?” O, une nālīsibīle ukuyoba ikyēne.

<sup>105</sup> Kangī une ngāmanyisyēmō siku kula ālīko u gehena ugwakwakamoto ku kifuki ifyīnja fina ukufuma pa bupīndūko lwāngu. Une ndinkufimbilisigwa ukukibona ikyene mu Lisimbo. Linga une ngamanya, une ndisakuyoba nakimo isya ikyene. Muketile?

<sup>106</sup> Lōli, lilino, “Ngimba ko kūgu Kaini ālimmwāgīle unkasi gwāke?” Lilino, uko ko u—u bulinganio bwa lilālūsyō ili lilino. “Kangī ngimba Kaini ābūkīle kuli u nkasi gwāke ku kipeligwa kya nnyāmbāla nu nkīkūlu, ukuya nkasi gwāke?” Muketile? Lilino, lilino, yumo mwa gwakwanda...

<sup>107</sup> Uyu Nka. DeArk, umwe mwesa mwāpilīke isya bubūmbulūsyō bwāke ikilo kimo, mūmo Kyala ālinsayīle umwēne na filifyōsa. Umwene ālambalēle, ikufwa, abēne bikwīsa ukusyungutila pa sala yabubili ndubunju.

<sup>108</sup> Kangī polelo, lilino, umo mo une ngwisa...Undumiana gwake, George, undumiana āli ndagusi, Ed, yōpe. Abēne bāli mbukyūngilo, kangī une nāpilīke ubuyobesanie kunyuma kula, kūko u gwākwānda...kūko Kaini ālimmwāgīle unkāsi gwāke. Mulimōsa, yumo uyu āli nu buyobelo ābonekaga ukuya yo nkīnde pa lukanikano, umwēne alinkuti, “Une ngukubūla ugwe kūko Kaini ālimmwāgīle unkāsi gwāke,” alinkuti, “Kaini alinkubūka kula nukwēga ikikulumba ikinywamu ikyasalila-nywāmu ikikīkūlu.” Kangī alinkuti, “Ukufuma mwa salila-nywāmu yula lukwīsamo pānja uluko lwa batītu.” Alinkuti, “Ugwe kētēsya untu gwa mūndu gwālāngi yo luko lwa kufyūka bo *ulo*, ngati—bo yu salila-nywāmu, mu ntu.”

<sup>109</sup> Ena, une ndinkwima pala, une nāli itolo ni myesi mibili mbukusi mu Nongwainunu. Une ndinkuti, “Une ndikulonda ukukindana na ugwe nnyambala, panongwa yakuti une ngaya mfunda, une mbokigwe itolo. Lōli,” une ndinkuti, “linga ikyo kikuyaga ulo, pole u luko lwa batītu āngāli lwīmīle ukuyako

akabalilo kako ukonanga kwa mogesyo, akabalilo kako ikisu kyalyonangike na misi, kabuno Noa ni ikikolo kyāke bāli bo bēne aba bāli mu ngalaba. Abo bo bēne aba bāli mu ngalaba. Uluko lwa bālāngi angali lwīmīle ukuyako,” Une ndinkuti, “linga ikyo kikuyaga lūlo.” Une ndinkuti, “Umma, nkulumba! U luko lwa bālāngi lukāgāmo siku ukufuma kula. Umma, nkulumba. U luko lwa bālāngi lo lufumile mu mpiki gulagula ugu uswe tufumileko, kangi aligwēsa u mūndu, yulayula yula.” Kukayapo ukukindana. Katikati. Uswe twesa tuli itolo. . . Yumo abagile ukuya gwa kiyīnja, kangi uyungi yula ugwa kibūngu, uyungi yula untitu, kangi uyungi yula mwēlu, kangi uyūngi yumo mbulufu, kangi uyūngi yumo nkesefu, kangi itolo bo ulo, lōli umwe mwēsa mukufuma ku gula mpiki gulagula. Ikyo kyo itolo kiyabo ikyamumbili lōsa apa. Uko ko kutalusya. Ugwe gwe mūndu itolo yulayula, upelígwe apa na Kyalā.

110 Kangi lilino, kētésya, apa pakaya patali mma, nīmīle ukukilania apa kangi abagānga mu Louisville, une nāyobāga isya mu Africa mūmo abāndu abalōndo bala, u luko lwākulya-bandu, fiyofiyo, mumo abēne bāli nu nkikulu pala, ālyegile u mwāna unnini, bālimmwagīle u mwāna unnini, kangi—kangi umwēne alinkukatika akēne bo ulo nukukapinya akēne ku lusingi kangi ukukaleka akēne kabolege ku masiku manandi, umwe mumenye, mpaka ikylene kyabwapuligwe bo abene bakāli bakalya akēne, umwe mumenye. Kilikyosa bo ikyo, abēne bikukileka ikyēne ukubola panandi akabalilo, ukufika kitofu.

111 Komma ukwīnogona fīngi fīyo ifya balya-bāndu. Mu England abēne bikubōmba ikindu kilakila, abēne bikugoga ingwāle nukusitulika isyēne mfipiki, popāpo akabalilo kāko amayoya gisakugwaga ukufuma ku syēne polelo abēne bikulya isyēne. Ulo lo luko lwa māma gwa bāndu ba Anglo-Saxon, mu England. Uko ko kutalusya. Kangi komma ukwīnogona. . . Ugwe utikufimbilisigwa ukubuka ku England, itolo būka ukusuluka apa mu fisu fyakwītōngo, ugwe kwīsa kwāga ikīndu kilakila. Nalōlilōli. U mūndu aligwēsa ikulya ilitone pamo—pamo u kitūmbi, abagile ukulya kalikōsa akāngi. Popāpo. . . Ena.

112 Lilino kētésya, unko—unko une ngubūle ugwe. Lōli, apa kyo iki kyābonike. A bālāngi. . . i—i luko lwa bālāngi lukaya nako nakamo akakubōmba na iki. Kaini. . .

113 Lilino, une ngulōnda umwe ukukētésya. Abēne balinkuyoba ukuti “Umwēne ābūkīle ku kīsu kya Nod.” Lilino, Kaini āli mu Edeni. Kangi Edeni, ungunda gwa Edeni, gwālambalēle kubupāndilo-lisuba bwa Edeni. Ngimba ikyo kitalusye? U ngunda gwa Edeni gwāli kubusōkelolisuba mu Edeni, ulubafu lwa busokelolisuba lwa Edeni. Kangi a baKerubi bābīkigwe, kangi u Mpiki gwa Būmi ku kipata kya busokelolisuba kya ngūnda kangi apo po pāpo une ngwīnogona Kaini na Abelo bātēndīke ilikemo lyābo. Kangi kula ko kūko a baKerubi nu lūbo

Iwa ndapi bakābagile ukubītikisya abēne ukwīngilāmo kangi mma, kubusokelolisuba kwa kipata!

114 Ngimba umwe mwākētesisye, Yeso isakwīsa ukufuma ku busōkelolisuba. U bwēlu bukubala ukufuma ku busōkēlolisuba. Kilikyōsa kikwīsa . . . Ubwīgufu bwālyāndile mu busōkēlolisuba kangi bukvēnda ku bwīngililolisuba, mpaka ubwēne bukusyūngutila kangi bukwikola bwēne kāngi. Uswe yōswe Sindagwakisyūngutile Gwakubwīngililo. Ikyo kyo Kyakubusōkelo, i Kyakubusōkelo kyo bwīgufu ubukūlu ukukinda-bōsa. China yo bwīgufu ubukūlu ukukinda-bōsa ubu bumanyīgwe, ukwisila mu basyāmbukūlu, nkīsu umwīsyūgu. Busokelolisuba!

115 O, mūmo uswe twābagile ukwitūgāla pa aga amalālūsyo ku sala, pa limolyēne, lōli ikyēne kikāgolokaga ku bāngi. Lōli kētēsya, apa po . . . Balinga bikulonda ukumanya iki uswe tukwitika isya Kaini, kūko kangi ywāni u nkasi gwa Kaini āli? Unko uswe tukēte. Umma ndaga. Une ngubabūlāga umwe iki Kaini ābōmbīle, kangi ikyēne kyo kyākāmūla kyēne ikyamahala ugwe ubagile ukwinogonela: Kaini ālyēgile ulilumbu gwāke mwēne. Umwēne āfimbilisigwaga ukubōmba, kabuno āliko u nkīkūlu yumoywēne ntiga pa kīsu akabalilo kala; i Bāngēli likupa ubusīmbe bwēne ubwa kuya batatu bapāpigwe, Ham, Shem . . . pamo mma . . . Une ngusuma uluhobokelo lwinu, āli Kaini, Abelo, na Seti. Loli linga pakalipo aligwesa . . . Ili Bangeli lumolumo likusimba ubupapigwe bwa ndindwana. Umwe mumenye ikyo.

116 Lilino, une naloliloli ngusalapo pa bakikulu ikilo iki. Lōli, kēta, ikīsu kikwīpūti abakikulu, lōli abakīkūlu bāli kyōmbo kya mōhēsi ku bwāndilo. Kangi unsitabugolofu umwīsyūgu kyo kyōmbo ikinunu ukukinda umwēne ali nakyo. Umwēne isakutuma abalūmbilili bingipo ku gehena ukukinda fyosa ifilabu fya kachasyu ifi fili nkīsu. Unko unnini unfwalafyabulogwe ni ngambo mu nguto ya kanwa kāke, kangi inywili syake sipakīgw'ilāngi mosa bo lula, kangi ifikulumba ifinywāmu ifitali inyige sya mfisige ifi sikukukupula kupula, nkundwe, a kanini . . . u luko lwa bwiyeṅge ububoneke-kanunu pa mwēne, kēta iki umwēne isakubōmba.

117 Ndumbilili, ugwe kinunupo ikupilila gwīmwene ni Lilopa Iya Yeso Kristi. Uko ko kutalusya. Lilino, komma ukumbula une, umwe mwe banyambala! Une ngetile fingi fiyo ifya ikyene. Lilino, kētēsya apa. Ikindu ikinunu ukukinda-fyosa ikyakubomba ko kukyungila-minogono gāko pa Yeso Kristi nukuleka aminogono gāko ukuya mapelesye.

118 Mūmo Pauli āyobīle kula nkati mula, alinkuti, “Ikyēne kyo . . . Uswe tumenye ukuti uswe tuli na maka ukulongolela u kalumbu. Une ndinago a maka ukubōmba ikyēne, lōli” alinkuti “Une ndisakubōmba ikyēne.” Muketile, umwene alinkutoligwa

ukubomba ikylene. Umwene alinkuti, “Une mmenye ukuti ubutumigwe bukufimbilisigwa ukuya nu bumi ukwisila mu fyābo—fyābo. . . Komma ukufūnga-kukanwa i ngambako iyi yikukānyānga pānja i kilombe.”

<sup>119</sup> Umwe mumenye, uswe utubalilo tumo tukwinogona, panongwa yakuti uswe tuli ndumbilili. . . (Komma ugwe na une, une ndikuyoba, nkundwe.) Loli abalumbilili bikwinogona panongwa yakuti abene bo balumbilili ukuti—ukuti abēne bo munduyumo unywāmu ukukīnda yumo mwa benekaya abapāsi aba kipānga. Ugwe ukaya nayumo na unywāmupo kangī ugwe ukuya mwīngipo mma mu buketelo bwa Kyala ukukīnda u kinwēlwa uyu āpīndwīke isala yimo iyi yikīndelege.

<sup>120</sup> Ikyo kyo kindu kimokyēne ubutēndekesyo bukāpyāgilēmo siku, fyāli fyo findu ifi. Une mmenye ngusaina i ngamu yāngu “Revulandi.” Ikyo kyo katikati, ikyo kyo itolo i—i kindu kya mwisyugu lwīho, loli ikylene kibagisenia ukubōmbigwa mma. “Ntiligwa” kangī “Bishopu” kangī “Dokotala” kangī fyosa ifindu ifyo mapālo amatendekigwa—nu—mūndu, kangī ifyene fyo butoyofu! Mwi Bangeli abene bāli “Peteri,” “Yakōbo,” “Pauli,” “Yohani,” kangī bosa abangi ba abene.

<sup>121</sup> Pauli alinkuti, “Lilino, apa, une mmenye une ngulumbilila i Nongwainunu, yila—yila yo mbombo yangu.” Une ne ndumbilili, umwene yo ndumbilili, Nkundwe Neville yo ndumbilili, loli ikylene. . . Iyo yo mbombo yitu, ko kuya ndumbilili. Ena, ikyo kyo itolo iki uswe tubagisenie ukubomba. “Loli unko une mbabūle ikindukimo,” Pauli āyobile, “ikyo kyo kikindile ikyo.” “Lilino, une ndinabo u bwābūke ukwēga ihēla,” Pauli āyobīle, “lōli une nguyaga pakutēndeka ifihēma itolo ukubanāngisya umwe une mbāgīle—une mbāgīle ukwiypa.” Umwēne alinkuti, “Ubwēne bo buyīndikigwe, ubwēgi bo buyīndikigwe pakati pa bōsa, i kitala kyo kisitakubwāpūligwa. Ikyēne kyo kinunu kuli u nnyambala ukuya mwēgi.” Umwene alinkuti, “Une ndinabo ubwabuke ukuya mwēgi. Lilino, une—une nābagīle ukuya mwēgi, une ndinabo ubwābuke bwamundagilo ukuya mwēgi. Loli une itolo ndikuya mwēgi mma, une ngulonda ukubomba ilikemo ilingi kwa Ntwa.” Muketile? Polelo umwene alinkuti, “Unnyambala aligwesa amenye ubukoleligwe bwake. Unko umwēne abōmbe bo mūmo. . . Bambo bo bafuligwe panongwa ya Lisyu lya Kyala, na fyosa bo ifyo.”

<sup>122</sup> Uswe tukulonda ukubomba ikindukimo ukukinda pa mbombo yitu. Kangi linga ugwe naloliloli upāpīgwe akabubili mwa Mbepo gwa Kyala nukuyoba, “Ena, iyene yo mbombo yangu ukubuka ku kipanga, une ngusakikisya une ngufimbilisigwaga ukubuka.” O, mwe! Ena, une ngulōnda ukubōmba ukukīnda ikyo, une ngulōnda ukukaba imyoyo gimo kwa Kristi. Une ngulonda ukubomba ikindukimo! Une ngulonda ukuyatila ababine pamo ukubomba ikindukimo kuli Umwēne. Iyene yo mbombo yangu ukulumbilila inīfwa, iyene yo mbombo



yangu ukulumbilila i Nongwainunu, iyene yo mbombo yangu ukwiputila ababine. Unko une mbōmbe ikindukimo ikīngi, unko une nsoke pānja nukubōmba ikindukimo kūko Kyala isakuyīndīka une pa kyēne.

<sup>123</sup> Lilino, ukugomokela kwa Kaini. [Ubuyo busitakandu pa tepi—Nsimbi.] Kabuno Eva āli kyo kyene kikīkūlu iki kyāpeligwe na Kyala, kangi linga umwēne akāli nabo abānabalindwana, akabalilo kāko ugwakikīkūlu gwabumalikisyo (ugwakikīkūlu mwēne) āfwīle, uluko lwa būndu angali lwīmīle ukuyako. Ngimba uko kutalusya? Āngāli bakālīko nabamo abakikulu abangi mma. Polelo umwene afimbilisigwaga ukuya nabo abana balindwana. Kangi Kaini ālyēgīle ulilumbu gwāke mwēne, kabuno umwēne āfimbilisigwe ukubōmba, bukayapo ubuyo bumo kuli bakīkūlu ukuti bafumileko.

<sup>124</sup> Kangi ikyēne kyāli kyalulagilo kangi kyalulagilo mmasiku gala, mōpe na Abraham, kangi na kōpe na pāsi kwa Isaki. Isaki ālyēgīle ugwāke mwēne untāni gwa mwilopa. Kangi Abraham ālyēgīle ulilumbu gwāke mwēne, ulilumbu gwamwilopa. U tāta gwāke yo. . . Ikyēne kyp bamāma abākukīndāna lōli u tāta yumoywēne. Kangi imbeyu yikufumila ku bunyāmbala. Sarah, uyu ātwele panja unswigisye Isāki. Ngimba uko kutalusya? Akālīko nayumo pa kīsu akabalilo kala.

<sup>125</sup> Ikyo kyo kyosa kyāli mu kyākwēgelēla, ukunāngisya ukuti i. . . Apa ikyēne kili, nkundwe! Isaka. . . Rabeka yo kyākwēgelēla kya Kipanga, kangi Isaki yo kyākwēgelēla kya Nsiingiligwa, Kristi. Ngimba ikyo kitalusye? Kangi abēne bikufimbilisigwa ukuya pabukamu gwa Lilopa! Aleluya! Ameni! Bakamu ba mwilopa!

<sup>126</sup> Popāpo Kaini ālyēgīle ulilumbu gwāke, kangi ikyo kyo. . . Polelo abēne bābūkīle ukukilania kula nkīsu kya Nod. Lilino, uswe tukufika mu kimanyisyo ikisolofu linga uswe twābūkīle pabatalipo panini, kangi une nhobwike ugwe ukalālusyāmo siku pabatalipo ukukinda apo, (bo, “Bali kugu abatali bala aba bāli nkīsu kila ilisiku lila?” Yosefasi na bakīndāne bala bali ngānikano nyīngi pa ikyēne). Ameni! Linga une ngakyēgile ikyo kanunu, nkūndwe, bīkamo ikyēne kāngi pa Ndungu ndubunju. Umma ndaga.

**4. Ngimba ugwe ubagīle ukulīngania pa Ndungu lyo lisiku lyākwānda ilya ndungu kangi i Mpyagilo lyo lisiku lya buhano-na-bubili? A bakristi bikubuka ku kipanga pa Ndungu, ilisiku lyākwānda ilya ndungu. Ngimba abēne batikulōndigwa ukubūka pa Mpyāgīlo, ilisiku lya buhano-na-bubili ilya ndungu?**

<sup>127</sup> Ena, lilino, mwinangu mpala, aligwesa uyu āsumile ikyo, ilyo lyo lilālūsyo ilinunu fiyo. Ilyēne lyo lilālūsyo lwaiyolo ili lyo likānikīgwe pakati pa maelifu ga bafūnda umwīsyūgu,

lōli mbagile une, ugwe unyītikisye une ukupa uluko lwāngu, umwe muketile, kyo kyōsa une mbagile ukubōmba. Kangi linga une ngaya nталusye mma, ena, ugwe—ugwe mwīkasyēge na une, kangi Kyala nswaga une, umwe muketile, linga—linga une ngutēndēka ikyēne ukuya kisobi.

<sup>128</sup> Lilino, na mūmo u lulagilo . . . Lilino ikyēne yo lumo u mūndu gwa Seventh-day Adventisti itūgēsye apa. Kula kwāli kufūnda kwāngu kwakwānda, kyāli Seventh-day Adventisti. Uko ko kutalusya. Āli gwa Seventh-day Adventist, iki une nāfūndile tāsi. Kangi akabalilo kako abene bikwisa nukumbula une ukuti “u Mpyāgilo lyāli lisiku lya buhano-na-mabili,” nkundwe, ikyo kyāli ukufwana na kalendala gwa kiYuda. Kangi u kalendala gwa kiRoma akatēndekisye ikyēne lōsa mma, kangi pa Mpyāgilo naloliloli pabagile ukuya pa Ndungu. Ena, abene bālinyēgile une ukūlisigwa pa kindukimo iki une nālinogwīne kyāli kitalusye. Kangi akabalilo kōsa une nābalāga ifyakusimba fyābo une nāli mulamula nkati kuli ikyēne, mia kwa mia, lōli ilisiku limo une nālikolile i Bangeli kangi une ndinkuketa ukuti kila kyali kikindane akabalilo kala. Muketile?

<sup>129</sup> Lilino, Mpyāgilo lyo lisiku lya sabata ukufwana nu busyūngutile bwa ndungu. Lilino, uswe tukamanya. Ikyene kisanusigwe, kangi uswe tulinasyo nyīngi fiyo inyāndulo ugwe ukasimanyamo siku itolo iki kyo kyāli. Muketile? Panongwa yakuti uswe . . . Lilino, abaYuda bikwiyobela ukuti uswe tuli itolo kifuki . . . ikyēne yo lululo lilino kifuki 1970 ikindukimo, ukufwana nu busyūngutile, i kalendala yābo. U kalendala gwa kiRoma ikukyega ikyene 1953. Kangi abēne bāli na kalendala uyūngi uyu ikwēga ikyēne pabuyo bumo. Lōli ikyo kyo iki kikupela ikyēne busisimikisye bwa Kikristi, ikyēne kyo kyōsa kyālīgwe kunyuma ku bupāpīgwe bwa Kristi. Umwe muketile, apo po pāpo uswe tukukyēgēla ikyēne.

<sup>130</sup> Lilino, lōli lilino bo i lisiku lya buhano-na-bubili, lilino, kilipo ikilūndiko kya bāndu ba kiPentekosti aba bo sabata—sabata bāsabata, bikukyūnga ilisiku lya sabata gwa Mpyāgilo. Lilino, abene bikuyoba, “Likayapo i Lisyu nalimo mwi Bangeli kuli ugwe ukwiyunga u Mpyāgi-. . . Ndungu ukuya lisiku.” Lilino, une nguyobaga i kindu kilakila ukufwana nu sabata mu Lwitikano Ulupya. Muketile? Lilino, Mpyāgilo lyo lisiku lya sabata ili lyāpegigwe ku baYuda. Lilino, ikyēne lyāpegigwe mwene mu fwāsi.

<sup>131</sup> Lilino, ili libagile ukufyūsya ililālusyo ilingi ukutusulila ukugomokesya ku lyēne. Lōli, lilino kētēsya. Akabalilo kāko Kyala ātūsīsye pa lisiku lya buhano-na-mabili, polelo ilisiku lya buhano-na-bubili likāketesīgwe, mumo—mumo une mmanyile mu Lisimbo, mpaka kifuki ifyinja elifu na sinda gwa elifu. Kangi mmatengele, Kyala āpēle Israeli i lisiku lya buhano-na-bubili kuli kimanyilo pakati . . . Kyala.

132 Kangi KƳala ātūsisiye pa lisiku lya buhano-na-bubili, i Lyāke ilikūmbukiligwe ilisiku lyabutūsyo. Une nguyoba ikyo bo ikyo kubunoge bwa iki lumu ukuya u—u nkundwe gwa Seventh-day Adventist nkundwe pamo kalumbu, muketile, kangi abene bali ni kipanga ikiganigwa. Kangi lilino kētēsya, une itolo mbagile ukukīndāna na bēne panini pānandi pa—pa lilālūsyo ili.

133 Lilino, KƳala āsayīle i lisiku lya buhano-na-mabili. Amasiku mahano-na-limo āli nnyāmbāla. Ilisiku lya buhano-na-bubili lyaali lisiku lya KƳala lyākūtūsya, ili kyaali kyakwimilila, ikyakwegelela kya Fyīnj’elifu. Lilino, lilino ketesya iki, mumo—mumo ikyene kikufulugania mula. Lilino akabalilo kako Yeso ālisile ku kisu, iki kyālinkomelile Yeso kyāli ukuti Umwene akākȳūngile ilisiku lya sabata; u kustaka kubili kwēne abēne bāli nako ukulwāna na Yeso kwāli ukuti “Umwēne ābongotwile ilisiku lya sabata, kangi alīpelile Mwēne KƳala.” Kangi Umwene alinkuti Umwene āli Ntwa gwa sabata. Umwēne āli . . . Umwēne āli yōpe Sabata gwa KƳala, kangi Umwēne āli KƳala. Popāpo abēne bakāli ni njila nayimo iya kustaka Umwēne.

134 Lilino, unko une itolo ndumule iki kwa ugwe nukubanangisya umwe lyo lisiku liki uswe tukufimbilisigwa ukukuyunga. Lilino, ngimba lilipo i Lisimbo? Une ngulālūsya iki kubunoge bwāko:

**Ngimba lilipo i Lisimbo, Nkundwe Branham, likutubūla uswe nu kutulagila uswe ukukyūnga Pandungu itolo bo baYuda bakyūngā u Mpyagilo?**

135 Umma, nkulumba, likayapo nalimo. Komma i Lisimbo mu i Bāngēli, kuli mu Lwītikāno Ulupya, kuli uswe ukukyunga kali Mpyāgilo pamo pa Pandungu. Lōli i nongwa uswe tukukyūnga Pandungu, lyo lukūmbusyo lwa busyūke. Nakimo . . .

136 Lilino, ugwe kuyobaga, “U Katolika gwa Roma ābōmbīle ikyo.” Abēne bikwiȳobela ukuti abēne bābombile ikylene, loli linga abēne babombile, Mwikemo Pauli ali gwa Katolika gwa Roma, kangi momumo Peteri, Yohani, na Yākōbo, na bangi ba abene, kabuno abene balyagene pa lisiku lyakwanda ilya ndungu panongwa ya bwīpūtī bwābo. Kangi, ukufwana na basyambukulu, injila yēne iyi abēne bābagile ukukīndanisya pakati pa Njuda u Nkristi na Njuda ugwandagilo (abēne bosa-babili bābūkāga ku sunagogi), lōli yumo ābūkīle pa Mpyāgilo (uyu ākānīle ubusyūke bwa Yeso), kangi uyungi yumo alinkubuka pa Ndungu (uyu itikaga ukuti Yeso āsyukile ukufuma ku bafwe). Kangi ikyo kyo kyāli kimanyilo. Kangi ikylene kikuyaga, ikylene kyo kimanyilo nalīno, kangi ikylene kibagile ukwisa panja ukuya kimanyilo kya kinyamana.

137 Lilino, une mmenye ukuti i, bakundwe bītu ba Seventh-day Adventist bikwinogona ikyo kyo ki Fungilo ya KƳala. Abene balinkuti, “Ugwe ufūngilīgwe nukukyūnga sabata.” Likayapo i Lisimbo na limolyēne mwi Bangeli likuyoba ikyo.

138 Kangi apa lilipo i Lisimbo mu i Bångéli ili likuyoba ukuti—ukuti umwe mufüngiligwe, Baefesi 4:30, alinkuti, “Somma ukunsulumanisa Mbepo Mwikemo gwa Kyala kũko umwe mufüngiligwe pa lisiku lwa kutabuligwa kwinu,” ulosyo lwa Mbepo Mwikemo.

139 Lilino une ngusisimikisyaga kwa umwe ukuti i Füngilo ya Kyala yo lõsyo lwa Mbepo Mwikemo. Muketile? Ulo lo lõsyo lwa Mbepo, lo Füngilo ya Kyala. Lilino, Yesaya 28, umwene alinkuti, “Ululagilo luyege pa lulagilo, ulukindi pa likingi, apa panini kangi apo panini.”

140 Lilino kêtésya, lilino, mwinangu mpala. Lilino, a bāndu aba bakuleka ukubõmba. . . Muketile, abanyāmbála bikugela ukwāga ikindikimo ukwipoka mwēne. Kikayapo ni kindi nakimo ugwe ubagile ukubõmba isya ikyēne. Ugwe upokigwe na ipyāna. Kyala yo ikubilikila, Kyala yo ikupoka. Ugwe itolo kōngésya a—a makato ga Kyala, ikyo kyo kyosa. Ugwe ukabagila ukuyoba. Ikyo kyo iki ubupeligwa bwa mūndu buli. Abēne bikugela ukuleka ukulya inyama, abēne bikugela ukukyunga amasiku ga sabata, abēne bikugela uku. . . “Linga ugwe gwabagile ukukileka *iki*.” Ikyēne kyo. . . Ugwe ukapokigwa ukwisila mu kisita kulya inyama. Ugwe ukapokigwa na *iki*, *kila*, pamo *ikingi*, Ugwe upokigwe ni lipyāna! Kangi Kyala, mu lipyana, ikupa ugwe u Bumi ubupya, u Bumi Bwasyepwa. Muketile ifi une ngusanusya? Kangi u Būmi Bwasyēpwa bo lõsyo lwa Mbepo Mwikemo.

141 Lilino unko une mbanangisye umwe. Ngimba i lisyu lya *sabata* likusanusya fiki? Alipo yumo amenye, isakufyusyaga itolo ikiboko kyako? Sabata? [U kalumbu ikuyoba, “Butũsyo.”—Nsimbi.] Butũsyo. Katikati. *S-a-b-a-t-a*, ilisiku lya sabata, kokuti “b-u-t-ũ-s-y-o,” ilisiku lya butũsyo. Bwāga ububale bwīnu ubwandubafu mu i Bångéli kangi kēta, “Butũsyo” i lisiku. Lilino unko uswe tubũke ku Bahiburi, untu gwa 4, mbibimbibi itolo lilino. Kangi uswe twisa. . .

142 Ili—ili lyo lilālũsyo lyāngu ilyabumalikisyo papapa apa. Kangi, nkundwe, kēta linga Nkundwe Neville ali nago agēne pala. Une mmenye mabili ga agēne gali mapimba gala, popāpo uswe tutikubakyūngāga umwe fiyo kangi mma. Lilino, nhobokelaga une akabalilo kākō une ngugega agēne.

143 Lilino, akabalilo kako ugwe kukéta i lisyu apa, *butũsyo*, polelo ugwe umenye ukuti lila likusanusya “sabata.”

144 Lilino, apa lulipo u Lwītikāno Ulupya. Yeso, mwa Mwikemo Matai, Umwēne alinkwānda pa ntu gwa 5 gwa Mwikemo Matai, kangi Umwēne alinkwānda bo ulu: “Umwe mupilike abene bikuyoba, bala aba kabalilo kaiyolo, ‘Ugwe ulingisakulogwaga ubulogwe.’” Ikyo, ngimba ikyo kyo fiki? U lulagilo, ingomelesyo. “Loli Une nguyoba kwa umwe, ukuti, aligwesa uyu ikuketa ku nkikulu ukunnyonywa umwēne.” Alyāndwile ikyene, bule

Umwene? “Umwe mupilike abēne bikuyoba, bala aba kabalilo kaiyolo, ‘Ugwe ulingisakugoga mma,’ lōli une nguyoba kwa umwe!” Ālyāndwile ikyene, bule Umwene? (Twinogonaga ukuti Umwene akālyāndwile ululagilo?) Umma ndaga. Umwēne alinkuti, “Lōli une nguyoba kwa umwe ukuti aligwesa yo nkalale nu nkūdwe gwāke kisita nōngwa atalile agogīle.” Ikyo kikālimo siku kunyuma pāsi pa Lwītikāno Ulukūlu, ulo lo Lwītikāno Ulupya. Umwēne itolo alinukupyāgila mula nkati ukukilania ukukīnda apo. Muketile? Umwēne ābūkile nkyēni nu kupa ingomelesyo sila pānja, lōli Umwēne āpōndilwe, Umwēne ānyēlile ilya kina lila, ili lyo lisiku lya buhano-na-bubili. Lilino muntu gwa 7, kūko Umwene. . .

145 Mu Sayo, apa kyo iki Umwēne āyobīle, Umwēne āyobīle, “Umwe mupilike abēne bikuyoba, bala aba kabalilo kaiyolo, ‘Ugwe ulingisa, kangi ugwe ulingisa mma,’ kangi une nguyoba kwa umwe nubukīndāne. Umwe mubapilike abēne bikuyoba, ‘I līno ku līno, kangi ikisige kuli i kisige,’ lōli une nguyoba kwa umwe! Umwe mwāpilīke abēne bikuyoba isyakukindana, lōli une nguyoba kwa umwe!”

146 Lilino, ku bumalikisyo bwa ikyēne kyōsa, Umwēne ālekīle ingomelesyo ya kina. Lilino, lila lyali, “Kumbukilaga ilisiku lya sabata nukulikyunga ilyene ukuya likemo.” Lilino Umwene aayobīle:

*Isaga kwa une, mwesa umwe mukusukulika kangi muli nu nsigo unsito, kangi une nisakubapaga umwe u butusyo ku moyo gwīnu.*

147 Lilino ketesya, “Aligwesa uyu ikutulwa ubulogwe ikutunyigwaga na mabwe,” abene bāfimbilisigwa ukuya mulamula mu mbombo ya kutulwa ubulogwe. Ngimba uko kotalusya? Kangi ikyene kyabagile ukubōmbigwa naloliloli. “Aligwesa uyu ikugoga,” umwene abagisenie ukuya ngogi.

148 Lōli Yeso alinkuti, “Aligwesa uyu ikuketa ku nkikulu,” umoyo gwāke, mbepo, nakimo mu mbili gwake lilino. U moyo gwāke gutabuligwe, ugwēne gukālī mma akabalilo kala; ugwēne gwālī fundi gwa sukulu, muketile, u lulagilo lwālī. Lilino Umwene aatile, “Aligwesa uyu ikuketa ku nkikulu ukunnyonywa umwene atalile abombile ubulogwe nu mwene nu ndumbula yake.” Lilino Umwēne alinkuti, “Ugwe upilike abēne bikuyoba, ‘Ugwe ulingisa kugoga,’ lōli une nguyoba aligwesa yo nkalale nu nkūdwe gwāke kisita nongwa atalile agogīle.”

149 Lilino Umwene āyobīle, mu masyu agāngi, isya sabata, Umwene āyobīle:

*Isaga kwa une, mwesa umwe mukusukulika kangi. . . muli nu nsigo unsito, kangi une nisakubapaga umwe u butusyo ku myoyo gyīnu, sabata ku myoyo gyīnu. (Komma ku mbili umpalamasigwe, ku moyo gwako.)*

<sup>150</sup> Lilino, pilikisya—pilikisya kwa Pauli lilino. Linga ugwe ubagile itolo. . . Une mmenye ukwene kupile na filifyosa, ukwene kupile pamwanya apa, pōpe. Lōli, lilino, unko uswe twēge iki kifuki lilino ukuti uswe twisa naloliloli ukukimasya ikyēne. Lilino, Pauli, ikusimba ku Bahiburi. Ngimba yo ywāni u Bahiburi? Yoba mmwānya. AbaYuda. Ngimba uko kotalusya? Lilino, bala bāli bakyūnga-lulagilo, abakyūnga-sabata. Ngimba uko ko kotalusya? Ngimba uko kotalusya, nkundwe, ndumbilili? Abene bāli bakyunga-sabata, abene bāli bakyunga-lulagilo. Umma ndaga.

<sup>151</sup> Lilino, Pauli ikutwala abaYuda, ukwisila mmisyungulu ni fyākweḡelēla, ukunāngisya iki u lulagilo lwīmīlilāga, “U lulagilo ukuya u nsyūngūlu ulwa findu finunu ifya kwīsa,” kangi umwēne ukukīndilila nkyēni nu kupa ikyēne pala mu buyo bumobwēne ukuya mwēsi ni lisuba. Bo u—u—u mwēsi go itolo gwēne unsyūngūlu gwa lisuba gukumulika pa kisu kimo pamo ikisu ikingi, kangi ikyene kikundalika kunyuma kuno. Lilino, lōli lilino, kangi ikyēne kikābagile, i. . . Bahiburi 9.

<sup>152</sup> Lilino, ketesya lilino mu Bahiburi 4, umwene ikwisa ku busakikisyo bwa sabata. Lilino keta:

*Unko uswe polelo tutile, tusulwe, u lufingo ukuya lulekeligwe kwa uswe u kwingila nkati mu butusyo bwake, . . .*

<sup>153</sup> Lilino, Pauli ikuyoba kwa bakyūnga sabata lilino, abandu aba bakyungile ilisiku lya sabata. “Unko uswe tutilēge tusulwe u lufingo ukuya lulekeligwe uswe isya lisiku lya sabata,” mmasyu agangi. Pamo linga ugwe kwisakukētēsya ukubala kwalubafu, pamo u “kukyunga u sabata.” Ilyene lyo “j” mu lyangu, ukufuma i Bāngeli lya Scofield, pamo i “ukukyunga kwa sabata.” Muketile? Umma ndaga.

*Unko uswe . . . tutile, tusulwe, u lufingo ukuya lwālekeligwe uswe . . . ukwisa ukutumuligwa ulwa ulwēne.*

*Kabuno kwa uswe mwāli i nongwainunu yilūmbilile, ukuya kifwēne itolo ku bēne (kunyuma pāsi pa lulagilo): lōli i lisyu lilūmbililigwe likabakabīsye abēne, kisita kuya kifuluganike nu lwitiko ku bēne aba bakipilke ikyēne.*

<sup>154</sup> Lilino, uko ko kunyuma pāsi pa lulagilo. Abene bakali nalo ulwitiko, kabuno kikayapo nakimo ikyakwalapo ulwene. Muketile? Umma ndaga:

*Kabuno uswe twe twitike u kwingila mu butusyo Bwāke, bo umwene āyobile, . . .*

<sup>155</sup> Lilino, “Bwāke” ubutusyo. Lilino, “Bwake,” ubwene bo Butusyo bwa Kristi. Umma ndaga, Butusyo Bwake, Gwake “sabata.” Kangi akabalilo kalikōsa une nisakubōmbela *butusyo*,

kyo kisĩmbĩgwe pala, Une nguyaga pakubõmbela u “sabata” ukuti umwe mwisakupilikisya isya kukyũnga kwa lisiku. Muketile?

*Kabuno uswe twe twĩtĩke u kwĩngĩla mu sabata Gwāke, u butusyo, bo umwene ātile, . . . Une ndapile mu bugasi bwangu, (ku Bahiburi) abene batisakwingila mma mula mu butusyo bwangu: palema nalinga . . . (Lilino, kētēsya Pauli ikubũka kukutēndeka ilyene lisiku likemesigwa lwa Kyala) . . . palema nalinga imbombo syāmalike ukufuma ku lwālo lwa kĩsu.*

*Kabuno umwene aayobile mbuyo bumo ubwa lisiku lya buhano na bubili kuli butusyo, pamo u sabata . . . (Ngimba uko kotalusya? Une ngulambalikaga ikyo pala, muketile.)*

*Kabuno umwene aayobile mbuyo bumo (mu lulagilo) isya lisiku lya buhano na bubili mu njila iyi, Kangi Kyala ābombile atūsīsye pa lisiku lya buhano-na-mabili ukufuma ku mbombo syake syosa.*

156 Apo po lilipo ilisiku lya buhano-na-bubili lyĩnu. Lilino, Pauli abagile ukwitikisya ukuti Kyala āpele ikyene ku bene, ilyo lyāli lyo lisiku lya buhano-na-mabili. Kangi Kyala ābombile ātūsīsye i lisiku lya buhano-na-mabili, Umwene āsayile i lisiku lya sabata, Umwene alinkukemesya ilyene, kangi Umwene alinkukemesya ikyene, kangi alinkulipela ilyene ukuya lisiku lya butusyo. Kyala naloli ābombile ikyene, ukufuma ku mbombo Syake syosa.

*Kangi mbuyo ubu kangi, Linga abene bisakwingila mu butusyo bwangu. (Yeso ikuyoba.)*

157 Lilino, pala alipo u sabata uyungi pa buyobumo. Ngimba ikyene kili kugu? Lilino, kumbukilaga iki apa, “Butusyo bwa Kyala,” i lisiku lya buhano-na-mabili lila. Pauli āyobĩle, “Abēne bāli nakyo ikyo mbuyo bumo.” Lōli lilino kangi umwēne alinkuyoba, “Linga abēne bisakwĩngĩla mu Butusyo Bwāngu,” ukuyoba isya Yeso mwa Matai umma ndaga.

*Ukukēta ukuti ukwēne kukusyālako ukuti bamo babagile ukwĩngĩla nkati, kangi ku bēne ku bābo ikyēne kyalũmbililĩgwe pankwanda bakālingile mma . . . panongwa ya kusitalwītiko:*

*Kangi, . . .*

158 Lilino pilikisya kifuki! Aligwesa ikupilikisya, yoba “Ameni.” [Ikilundilo kikuyoba, “Ameni.”—Nsimbi.] Pilikisya:

*Kangi, umwēne ābĩkĩle i lisiku limo, . . .*

159 Umwene ābĩkĩle i lisiku limo apa. Ngimba ikyene kyāli fiki? Aligwesa yoba ikyene pa kamokene. U sabata! Ngimba uko kotalusya? Umwene ābĩkĩle ilisiku lya buhano-na-mabili ilya ndungu ukuya sabata mbuyo ubu.

*Kangi kangi, umwene alinkumilisya ilisiku limo, ikuyoba mwa Davidi (mu Masalimo), Umwĩsyũgu, ukufuma pa kabalilo katali fiyo; (mpaka Yeso ikwisa, umwe muketile, akabalilo ka kwanda) . . . ikyene kiyobĩgwe, Umwĩsyũgu linga umwe . . . mukupilika a masyu gake, mungũmikàga indumbula syinu. (bulipo ubutusyo ubũngi bukwĩsa; komma ugwamumbili, u gwãmwambepo)*

160 Lilino, kêtésya. O, ugwe kuyoba, “Akabalilo kãko uswe tuli ni lisiku lya buhano-na-mabili, nũswe.” Lilino, koleléla ikyene itolo i miniti. Unko uswe tubale ilinandi ilikõnge, muketile, komma ukulyãga ilyène nu bwẽngo fiyo. Umma ndaga:

*Kabuno linga Yeso ãli ali ãpele abêne . . . Namanga linga—linga Yeso ãli ali ãpele abêne ubutũsyõ, ilisiku lya butũsyõ, polelo ãngali umwẽne pankyëni pake atikuyoba isya lisiku ilĩngi.*

161 Akabalilo kako Umwẽne ãsanwisye ululagilo, ukufuma ku lulagilo ukubuka ku ipyana, angali Umwẽne atikubapa abêne i lisiku ukutũsya, i lisiku lya butũsyõ, i lisiku limo? Lolĩ Umwene akãyobilẽmo siku nakimo isya sabata. Umwẽne akãyobilẽmo siku nakimo isya paNdungu, Umwẽne akãyobilẽmo siku nakimo isya Mpyãgĩlo. Lõli apa po iki Umwẽne ãyobĩle, Pauli ãyobĩle. Lilino kêtésya, “Pala . . .” Ilya 19 . . . pamo ilinandi lya 9:

*Pala patikusyalapo polelo yumo u sabata ku bãndu ba Kyala. (Ikyo kyo umwĩsyũgu!) . . . Pala pikusyãlapo . . . u sabata ku bãndu ba Kyala.*

*Namanga umwẽne (umwe na une) yũyo abõmbile ãngile nkati mu butũsyõ bwãke (Butusyo bwa Yeso, “Isaga kwa Une, mwesa umwe mukusukulika kangi muli nu nsigo unsito, Une nisakubapaga umwe u Butusyo”), umwẽne (umwe pamo une) atalile alekile imbombo syake, mumo Kyala aabombile ukufuma syãke ku bwandilo.*

162 Ameni! Apo po alipo sabata gwako. Ngimba ikyo kitalusye?

*Unko uswe tubõmbège . . . (alinkuyoba Pauli) . . . u kwĩngila nkati mu butũsyõ bula, asulwe unnyambala aligwesa abagile ukugwa ukufuma pa kyãkwegelelapo kilakila ikya kusitakwitika (ikya masiku na fyosa bo ifyo, muketile).*

*Kabuno i lisyu lya Kyala lya lyẽngo fiyo, kangi lyamaka, kangi lyũgi ukukindapo ukukinda ulũbo ulwa bwẽmbe kosakubili, ukulasa kõpe . . . kulãsulania pakati pa moyo . . . kangi ilikêtela-ngãni lya i . . . kangi ilya . . . (unko uswe tukête) . . . ilya mbepo, kangi ilya i . . . (itolo i miniti) . . . ukupãgũlania ukulãsula kwa u moyo kangi i mbepo, kangi . . . utupũngunyo kangi u bõmba, kangi . . . unketesi gwa minogono ni i fundo sya mu ndumbula.*



*Kakayako kamo akapeligwa kalikosa...kakaya kākubonekela pa bwelu mu nkyēni myāke: kabuno ifindu fyosa fili bwasi kangī figuligwe pankyeni pa kisige Kyake ga uyu mwa yūyo uswe tukufimbilisigwa ukubomba.*

163 Lilino, kēta, Kyala ātūsīsye i lisiku lya buhano-na-bubili, āpēlile ilisiku lwa buhano-na-bubili, ukupa ilyēne ku Bayuda ukuya kikūmbusyo. Une nguyoba isya Mwikemo Pauli lilino, muketile, apa. Lilino, ugwe kwinogona umwene ātwalilaga Ikyene? Ngimba umwe mukwinogona umwene ali nu bwabuke? Lilino, ngimba umwene abagile ukuyoba fiki mwa Galatiya 1:8? “Linga u Gwandumi ukufuma ku Mwanya abagile ukwisa nukumanyisya ugwe inongwainunu iyingi yiliyosa ukukinda yila iyi une njobile, unko umwēne ayege kwa umwe gwakugunigwa.” Muketile, i nongwainunu sila sili pabwelu. Lilino, kētēsya.

164 “Ena, Nkundwe Branham, lilino kiliku iki une mbagile ukubomba, itolo itika Yeso Kristi?” Umma. Ikyo kikaya Butusyo.

165 Lilino, linga ugwe kulonda ukumanya iki...Balinga bikulonda ukumanya iki u Butusyo bwa Nkristi buli, yoba “Ameni.” [Ikilundilo kikuyoba, “Ameni.”—Nsimbi.] Lilino, ugwe ubagile ukukisimba ikyene linga ugwe kulonda, Yesaya 28. Umwene alinkuti, “I fūndo yikufimbilisigwa ukuya pa fūndo—i fūndo,” ikuyoba. “I fūndo pa fūndo, ulukīndi pa lukīndi, apa panandi kangī apo panandi, kangī kolelela fiyo ku iki kyo kinunu.” Unsololi ikuyoba isya kabalilo kakwisa, isya Butusyo, sabata. Bala untu gōsa, muketile, umwēne ikuyoba, “Utubalilo tula akabalilo kāko i lisiku lya sabata lisakumalisigwa lōsa,” kangī abēne bisakugūlisyāga ifilato pa Mpyāgilo mulamula mūmo abēne bābōmbīle ikyēne pa Kilēmbélo, pamo kilikyōsa kyakongelelapo. Umwe muketile? Alinkuti, “Ngimba kabalilo kaki aka kikuyaga?” Alinkuti:

*. . . i fūndo pa fūndo; . . . lukīndi pa lukīndi; apa panini, kangī pala panini: kolelela fiyo ku kila iki kyo kinunu.*

*Kabuno ni milomo igwakitabu ni ndimi isingi Une nisakuyoba ku bandu aba.*

*. . . Kangī ili lyo sabata, u butusyo ubu Une nāyobīle ukuti abēne bikufimbilisigwa ukwingila nkati. Kangī kuli kyōsa kya Iki abēne balinkūmisya indumbula syābo nukuyugānia imitu gyābo nu kupīka Ikyēne. (Itolo ikindu kilakila iki abēne bābōmbīle pa Pentekosti akabalilo kāko u Mbepo Mwikemo āgwīle pa bāndu, kangī u Mbepo Mwikemo āpegigwe ku bandu kunyuma kula pa Lisiku lya Pentekosti. Ikyo kyo Butusyo, u sabata ku bandu ba Kyala). . .*

166 Popāpo i nongwa yēne iyi uswe tukukyūnga paNdungu, kyālyāndīgwe na ba tāta bitu baiyolo ba i Bāngēli, Mwikemo

Pauli, Yohani, Matai, Mariko, Luka, na bosa bala, abene babukile ukufuma ku nyumba ukubuka ku nyumba, abène balyēgīle umugonesyo pa lisiku lya ndungu akabalilo kâko abafündigwa bikwisa palikimo, kangī ilyene lyākoleligwága, komma sabata, loli i lisiku lya Ntwa.

<sup>167</sup> Yohani äyobile, pa Lusungo lwa Patmos, lyätalile lyäbikigwe mbwitikisania nkipānga, “Une nāli mwa Mbepo pa lisiku lya Ntwa.” Uko ko kutalusya. Muketile? Kangī polelo umwene alinkukéta . . .

<sup>168</sup> Kangī—kangī, lilino, ilisiku lya Ntwa lyo—lyo lisiku ili u Ntwa asyūkile. Lilino, ugwe buka ukamwege ugwasymbukúlu, Josephus, Agabus, bingi ba abene abangi, pamo, komma Agabus, o, une ngabagila. . . Balibōsa ba bābo abasimbi baiyolo, kangī ugwe kwisakusyāgania kunyuma kula. Abasyambukulu ba kipānga, *U Buku gwa Bafwilila gwa Foxe*, bīngi ba abo, kangī ugwe kwisakusyāgania mula ukuti ubukīndāne bwēne. . . Abēne bo kibugutila kya baYuda. Kimo kya bēne abēne bākōlile “balyabāndu,” ikyo bāli Bakristi. Abēne bāyobile, “Alipo u nnyāmbala yumo uyu Pontiyasi Pilati āgogile kangī abafündigwa bisile nu kuhiya umbili gwāke. Kangī abēne balinkugufisa ugwēne, kangī paNdungu guligōsa—guligōsa abēne bikubūka ukulya i kiyabo kya ikyēne.” Abene bālyāga umugonesyo, umwe muketile. Abene itolo. . . Abene begaga umbili Gwake, umwe muketile. Abēne balinkuti abēne bikwēga u mbili gwa Ntwa, ubulilansi. Kangī abēne bakāmēnye iki ikyēne kyāli, kangī umwēne alinkuti, “Abēne bāli balyabāndu.” Alinkuti, “Abēne bikubūka kukulya pa lisiku lyakwānda ilya ndungu, abēne bikwāgāna palikimo nukulya umbili gwa nnyāmbāla uyu.”

<sup>169</sup> Kangī i njila yēne ugwe gwābagile ukukīndanisya kali abēne bāli bakyūnga-lulagilo nukupīka fiyo u busyūke, pamo kali abēne bāli Bakristi kangī bālitīke u busyūke, yumo ābūkile ku kipānga pa Mpyāgīlo kangī yumo ābūkile ku kipānga pa Ndungu, iki kyāli kimanyilo pakati pa fyēne.

<sup>170</sup> Ikyo kyo kikafu naloli, bule ikyēne? Umma ndaga. Ngusūbila ikyo kikupilikisya ikyene. U Mbepo Mwikemo yo . . .

<sup>171</sup> Lilino, ugwe uli nakyo ikindukimo pala, nkundwe? Ugwe kulonda. . . Ngimba ugwe kulonda—ngimba ugwe kulonda ukubuka kula nukwamula ikyene? Unko uswe tukéte, papapa apa. O, ena.

## **5. Ngimba abaYuda bakāli bali nu lusako ukupokigwa ukufuma pāpo akabalilo ka Bāpānja kakwīsa kukwīgala?**

<sup>172</sup> O, mwe, linga ikyo kikaya kinyāfu! Uswe tukaya na kabalilo akākubūka nkati mu kyēne naloliloli kinunu, lōli unko une mbabūle umwe iki. Kangī ugwe ega ilisyu lyāngu, une ngukunāngisyāga ugwe. Ukwisila. . . Linga ugwe kwēgāga ilisyu lyāngu (mūmo une ngulīngania ikyēne) kwa Kyala, polelo

ugwe būka ukakētésye icyēne lōsa, muketile, kangi polelo ugwe kwisakusyāgānia. Panongwa yakuti une ngwinogonela . . . Une ngabagila ukukēta i koloko, lōli une ngwinogonela iyēne yikīndīle. . . Ngimba akabalilo ko fiki? Fiki? Sinda ukukinda lwēle-na-yimo. Une ngufimbilisigwa ukubūka ku kipatala ukufuma apa, kangi ngufimbilisigwa ukubūka ku New Albany ukufuma apa, kangi uswe tukufimbilisigwa ukusumuka pa maminiti malongo-mabili-na-mahano ukufuma pa matatu ndubunju. Polelo . . . Kangi une ngayamo pa kitala pāsi pa sala ibili pamo itatu pa ndungu ugu.

173 Lilino kētésya apa, mbibimbibi lilino, ukutwāla iki. Ena, mwīnangu mpala Nkristi, ilisiku Iya Bāpānja limalisigwe, ukumalisya lululu lilino. Kangi Kyala isakugomokelāga ku baYuda. Kangi unko une njobe ku kapanga kanini aka aka une ngwīpūta kingikingi. Kangi ubusololi ukufuma ku fiyabo ifikindane ifya kisu, ubwene bukonelela nkati muno ukufwana na iki. Une ngwitika ukuti unJuda . . . Lilino, kyūnga ikijāsi kyāko pa miniti itolo, lilino.

174 U n’Juda akabagilamo siku ukupilikisya ikīndu kimokyēne iki ikya kipānga kya Kikristi. U n’Juda ambulile une, utubalilo twingi, “Nkundwe, ugwe ukabagila ukuntumulania Kyala mfiyabo fitatu nukumpa Umwene kwa une.” U n’Juda ali na Kyala yumo, kangi uyo yo Yehova.

175 Kangi u Gwāpānja afulugēnie ikyo fiyo naloli, mpaka umwēne amanyīsise icyēne mu njilo yimo, napāpi, ni bumanyi. Une ngwitika umwene—umwene ali nu—nu bupilikisyo bwa icyene, ukuti bakayapo abakyala batatu. Aliko u Kyala yumoywene, ukubonekela pabwelu kutatu. Ubūndu butatu mu Mundu yumoywene. Kangi akabalilo kāko ugwe ubagīle ukwega i ndumi, une ndinkuyoba kwa Hyman Appleman . . . Mwe bingi ba umwe mumenye umwene. Umwene alinkuti, “Nkundwe Branham, linga ugwe kwega i ndumi yila ku Palestina ni fika,” alinkuti, “kwisakuyako abaJuda maelifu-elifu bisakwambilila Yeso Kristi ukuya Mpoki gwabo gwabenenabene.” Muketile, uko ko kotalusya. Lilino, une ndinkuti . . .

176 Apa po yilipo i Ndumi uswe tuli nayo apa. Yeso āli Yehova akupililigwe mu nyōfu, ukusuluka pāsi akupililigwe. Lilino, Kyala (Tāta, Mwanundumiana, kangi Mbepo Mwikemo) akaya bo lōbe lwāko, yumo, bo bāndu bamo bikwīnogōna icyēne. Ikindu kyosa kili itolo bo. . . Umma, Kyala yo. . . Une itolo nkibālwlile icyene kwa ugwe pa kabalilo aka kakindilepo, muketile, ukuti bulipo ubutatu mwa Yumoywene.

177 Une ne butatu mwa yumobwene. Une ne moyo, mbili, kangi mbepo, mu mundu yumoywene. Ngimba uko kotalusya? Nalōli. Une ne—une ne ndendekigwe ukufuma—ukufuma ku mbakasya, ililopa, ni ndepa, kangi lōli ikīndu kimo. Muketile? Kilikyōsa ugwe kukēta kili mu butātu, kangi ubutātu mu bumobwēne.

<sup>178</sup> Bwālipo ubutatu mu ngalaba. Ikipālo kya pāsi, ifindu fyākŵāfula; ikipālo ikyakibili kuli injuni, ifindu fyakupuluka; kangi i kipālo kyabutatu kuli Noa ni kikolo kyāke. Kilikyōsa!

<sup>179</sup> Mu kitēmbē. Kyālipo ikilūndilo, ubuyo ubwīkemo, u Bwīkēmo bwa bwīkēmo. Muletile?

<sup>180</sup> Kangi pafumile ukuyapo ingulilo itatu. U Bwatāta, u Bwanabulumiana, kangi i ngulilo ya Mbepo Mwikēmo. Muketile ifi une ngusanusya? Loli bala batatu. . . Ūswe tutikuyoba, “aba Kyala bitu.” Ikyo kyo bwitafifwani, kangi u n’Juda amēnye ikyo. Lōli akabalilo kāko ugwe ubagile ukutēndēka ikyēne ku mwēne ukuti uyu Yeso YO Kyala, Yehova Kyala, komma u mūndu gwākibili pamo u mūndu gwakitatu, ikyēne kyo Mūndu yulayula akabalilo kōsa ikwitēndēka Mwēne ukubonekela. Muketile? Kangi polelo ni fika ni fiswigo ukusisimikisya ukuti Yeso asyukile ukufuma ku bafwe.

<sup>181</sup> Kangi uyu Dokotala Reidhead. . .

<sup>182</sup> Nkundwe kunyuma kula, u mmanyisi gwa kipanga, mmanyisi gwa pamwanya, mmanyisi gwa sukulu, apa mu kipanga ikilo iki, Une nālimbwene umwene, kangi une nāponiēnie amaboko nu nkasi gwāke nu mwāna kunyuma kula. Umwene āli panja pala ukumpilika umwēne ikulumbilila ikilo ikingi. Une ngwinogona abēne bali apa, linga abēne bakabūka, ngusūbila umwēne yo mmanyisi gwa sukulu mu Louisville. Mulimosa, abene baali panja pala ukumpilika umwene.

<sup>183</sup> Ikyēne kyo kyapamwanya, u nnyāmbāla isile ku nyūmba yāngu, umwēne nu nnīne (kangi un’Juda), imyesi minandi igi gikīndīle. Kangi umwēne alinkuti, “Nkundwe Branham, une ndinago amadigri *agakuti-ubwīngi* mu Bob Jones. Une ndinakyo. . . ukufuma ku Wheaton.” Ubumanyi bosa ubu bwabagile ukulundikigwa mwa umwene! Alinkuti, “Une nītike Kyala ukufuma pāpo une nāli ndumiana nnini.” Kangi alinkuti, “Pōpe ubūmi bwāngu bukāli buli bwāsi!” Umwēne alinkuti, “Ngimba abamanyisi bāli basobi?”

<sup>184</sup> Kangi apa bo bupilikisyo. Linga aligwēsa. . . Linga bamo mwa umwe mwāliko kula ku Open Door ikilo kimo, akabalilo kāko uswe twāli banandi tukulūmbilila palikimo. Umwēne alinkuti, “Akabalilo kāko une nāli nagwe ugwangu unjobelamūmo. . .” Lilino, pilikisya, akatēmbē akanini, panongwa ya nyīpūto syīnu ni findu ifi fitūlile panja, pilikisya ku iki. Umwene ālimbulile une ifi pabutasi, apa ku nyumba.

<sup>185</sup> Umwēne ālīsile ku nyūmba yāngu, umwēne alinkuti, “Nkundwe Branham,” alinkuti, “Une ngaya nago amasyu.” Umwene alinkuti, “Ngimba kilipo ikindukimo ikikulumbapo ukukinda iki iki une nītike nukwitikisa, Kristi ukuya Mpoki gwāngu gwa pamwene? Kangi une ngwitika ukuti une mbapigwe kābubili mwaa Mbepo, loli une ngaya nabo ubuketi bwa kalikosa.”

186 Une ndinkuti, “Nkundwe, nububibi mūmu une nkibengile ukuyoba ikyēne, abamanyisi bakusyōbile ugwe, i sukulu yāko.”

187 Kēta, mumo une—une mbagile ukuyoba ukuti, une ndikwitika mu ukubīndikisya ni kyāla i injila yako ya ku Mwanya: “Ngimba ugwe kwitika iki?” mu fipanga, “Lilino, apa, unko une ngubīnda-ni-kyāla ukwisila apa, i—i Bangeli likuyoba *iki*, ngimba umwe mukwitika ikyo?” U mōhēsi ikwitika kangi ikuntetema! Ikyene kikaya iki ugwe kwitika. U mbepo Gwako ikufimbilisigwa ukupimba ubuketi nu Mbepo Gwake ukuti umwe mwe banabalumiana na banabalindwana ba Kyala, ukwisila ukuya mpāpigwe kabubili kangi ukuti mwambilīle u lōsyo lwa Mbepo Mwikemo.

188 Umwene alinkuti, “Nkundwe Branham, ngimba ugwe kwinozona fiki isya baPentekosti?”

189 Kangi une ndinkuti, “Iyo yo nongwa une ngubōmbēla na bēne. Iyo yo nongwa une ne—une ne ngwendendeka na bene, abene bali nakyo ikindukimo iki ugwe ukaya nakyo.” Une ndinkuti, “Ni figili fyābo na filifyōsa, abēne balinabo u bwānalōli ulu umwe mukamanya nakimo isya ubwēne.” Kangi une nāyobāga ku yumo mwa banyāmbāla abakulumba abakinde-bōsa mu America, papalapa akabalilo kala. Ena, nkulumba. Umwēne yo pulezidenti gwa Sudan Missions, yo nkulumba unkinde-bōsa nkīsu kyōsa, gwalwālo ku kikōngōti. Umwene āmenye a Masimbo, kangi u *bufwe*, *ukusyiligwa* nu *busyūke*, itolo ukulumbilila iyene bo nyumba pa moto. Lōli ikyo kikaya Ikyēne. U mōhēsi abagile ukubōmba ikyo, yōpe. U mōhēsi yo itolo gwālwālo bo mūmo umwēne abagile ukuya.

190 Lōli, nkundwe, Yeso Kristi āyobīle, “Pene pāpo u mūndu apāpigwe mwa Mbepo gwa Kyala umwēne atisakukēta i Kitangalala kya Kyala.”

191 Komma itolo panongwa yakuti ugwe kuyoba, “Ena, une ngwitika ikyo. Ena, une—une ngwitika ikyo kyo njila yila. Une ngwitika ikyo. Ena.” Ikyo kitikubōmba ikyēne. Ikyēne kikufimbilisigwa ukuya kyakubonekela kya Bupāpigwe ubupya. Ikyēne kibagile ukuya kindukimo pakati pa ugwe na Kyala ukuti ugwe umenye ugwe ukilēnie ukufuma ku bufwe ukubuka ku Būmi.

192 Alinkuti, “Nkundwe Branham, ngimba une mbagile ukwambilila Mbepo Mwikemo?”

193 Une ndinkuti, “Mbikīle itolo amaboko pa Hyman Appleman pāsi pala, kangi umwene ālyambilīle u losyo lwa Mbepo Mwikemo.”

194 U n’Juda uyūngi uyu alinkwānda ukulila, kangi alinkubongotola ilindalasi pa ka mēsa akanini ka kofi pala, kangi alinkukūta akatubwi akanywāmu pamwanya pala. Bosa-babili ba abēne balinkuti, “Nkundwe Branham, ngimba uswe tukummwambilila bulebule u Mbepo Mwikemo?” Abasukulu!

Abalūgi abakīnde-bōsa, abakomu! Abakīnde-bōsa aba balimo nkīsu!

<sup>195</sup> Kangi une ndinkuti, “Injila ya bafundigwa iya kwambilila u Mbepo Mwikemo ko kwāla amaboko pa bene.” Uko ko kotalusya.

<sup>196</sup> “Ukwāla pamwanya ukwa maboko.” Ananiya ikwīsa ukwāla amaboko pa Pauli ukuti umwēne abagile ukwāmbilila ukukēta kwāke kangi nukuya isusigwe na Mbepo Mwikemo.

<sup>197</sup> Filipu alinkubuka kula nukulumbilila pāsi pala, nukōsya ikipambo kyōsa pāsi kula mu Ngamu ya Yeso Kristi. U Mbepo Mwikemo akālisile pa nayumo, panongwa yakuti Peteri ali ni fungulilo. Kangi umwēne ikusuluka pāsi, kangi umwēne alinkubika amaboko pa bēne, kangi abēne bālyāmbilile Mbepo Mwikemo. Ngimba uko kotalusya?

<sup>198</sup> Pauli, mu Imbombo 19, ukufuma pāpo umwēne ākīndile ukukilania. Apollo, āli luko lwa Billy Graham pamwanya pala, āyāga nu luyigo ulukulumba kangi akabalilo akanunu. Umwene alinkuti, “Ngimba umwe mwambilile Mbepo Mwikemo ukufuma pāpo umwe mwālitike?” ku kipambo kila kya baBaptisti.

<sup>199</sup> Abene balinkuti, “Uswe twe bakongēsyi ba Yohani. Uswe tumenye! Apollo yo ndumbilili gwītu, umwēne yo gwandagilo umpīduke, unnyāmbāla ugwamahala ukukīnda-bōsa nkīsu.”

<sup>200</sup> Umwene alinkuti, “Loli umwe ngimba mwabile u Mbepo Mwikemo ukufumila papo umwe mwitikege?”

Umwene alinkuti, “Uswe tukamanya mma kali aliko yumo u Mbepo Mwikemo.”

Alinkuti, “Polelo ngimba umwe mwālyōsigwe bulebule?”

Alinkuti, “Uswe tosigwe kwa Yohani.”

<sup>201</sup> Alinkuti, “Umwene ošyāga ku lupīduko, ikuyoba ukuti ugwe kwitika pa Mwēne ikwisa, pa Yeso Kristi.” Kangi akabalilo kako abene bapilike Iki, abene bōsigwaga mu Ngamu ya Yeso Kristi. Kangi Pauli alinkwāla amaboko gāke pa bēne nukwāmbilila Mbepo Mwikemo, balinkwānda ikuyoba mu ndimi nukunkūsyā Kyala. Ikyo kyo pabwelu mūmo une mmanyile i Lisimbo.

<sup>202</sup> Lilino, keta, mwinangu! Pabagilo ukuyapo ukukīndana kunini apa mu bwinogonelo bwāko, ’nongwa yakuti uswe twa tufuluganikēne lōsa na kilikyōsa. Lōli unko uswe twāle ikyēne pānja, kisita kugela ukubikapo usanusila kwāko. Yoba iki i Bāngēli likuyoba, itolo bala Ilyene injila iyi.

<sup>203</sup> Kangi une ndinkuti, “Ikindu kyene iki une nkimenye, nkundwe, ko kubika amaboko pa bēne aba bikundolonda u Mbepo Mwikemo.”

204 Umwene alinkuti, “Ngimba ugwe ubagile ukulambalika amaboko kangī—kangī nsuma Kyala ukutusaya uswe nukutupa uswe u Mbepo Mwikemo?”

205 Une ndinkuti, “Une ngubombaga.” Kangi uswe twāfugéme pasi pakipālo, kangi une ndinkwāla amaboko pa bēne. Kangi kifuki imilungu minandi ukufuma apo, bosa-babili ba abēne bālyāmbilile u lōsyo lwa Mbepo Mwikemo. Kangi akabalilo kako u Dokotala Ntuli uyu ālyāmbilile u losyo lwa Mbepo Mwikemo, ukwisa ukukinda mu ndimi iyingi. Ena, nkulumba.

206 Kangi aba Sudan Missions gwīnu balinkuti, “Uswe tukaya nabo u buyo kuli u nnyāmbàla uyu ābagile ukuyoba mu ndimi.”

207 Kangi umwene alinkwisa kwa une nukuti, “Umunduyumo ikuyoba mu ndimi?”

208 “Fiki, fiki,” une ndinkuti, “abene bakaya nu buyo nabumo ubwa Yeso Kristi, namanga Yeso Kristi āyobile mu ndimi inhesya; nukufwa, ikuyoba mu ndimi insitakumanyigwa.”

209 Abene balinkutoligwa ukwitikisya ubumanyisi bwa Pauli, Pauli āyobile mu ndimi ukukinda bosa ba abene.

210 Yumo āyobile kwa une mmayolo, alinkuti, “Une kinunupo ukuyoba amasyu mahano nu kupilikisya.”

211 Lōli ubumanyisi bwa Pauli bulinkuti, “Nyonywaga busololi, kangī komma ukukanisya ukuyoba mu ndimi.” Kangi abene bikukanisigwa ukuyoba nu ndimi!

212 Ukuyoba mu ndimi kyo kikūngilwa Kyamwakyala kya Kyala iki kyo kya nkipānga itolo mulamula umwisyugu mumo ukwene kwāyilile kunyuma kula ku bwandilo. Ikyo kyo katikati Bwanaloli. Ena, naloliloli! Ikyo kyo kimanyisyo kya i Bangeli. Ikyene kyo kyabupi Kyabunyakyala, kangī ugwe kupīka ikyo itolo mumo ugwe—ugwe kupīka u Bupapigwe ubupya, umwe mukukāna kilikyosa iki Yeso āmanyisyāga akabalilo kāko umwe mukugela ukutumula ikyo pānja.

213 Lilino, ugwe ubagile ukubuka gwāndisu pa ikyo, bingi ba abene babōmbile. Loli une nguyoba, “Ikyo kili nu buyo bwake.” Ikyene kifwene itolo ni filato; akabalilo kako ugwe kūla ifilato, indimi sili mu syēne. Kangi uko ko kutalusya. Akabalilo kako ugwe uli mu Mbili gwa Kristi, Kyala ali ni mesa yiswile, apa. Umwene ali nu lugano, Umwene ali nu buhofu.

214 Linga une nābukāga ku mēsa yāko nukwitugasya pási pala, kangī ugwe gwātīle, “Ndumbilili, isaga ukalye nanine,” une ngwitika ugwe unganile une. Kangi ugwe gwāli ni ndima ni mbatata na bakalōti kangī inguku ingalangigwe na kisyesye kya mūngu na lupyū lwa matalala, kilikyōsa kitūgēsye pala. Fiki, une ngwitika une nguyaga itolo gwakwambililigwa ku mbatata bo mūmo nāli ku ndima. Ikindu kyene, une ngusubila une nguyaga itolo gwakwambililigwa ku nguku iyi bo mūmo une nayaga pa kisyesye. Ikyene kyo kyosa pa mēsa. Kangi i

kindu kyene iki une ngufimbilisigwa ukubomba ko kuyoba, “Ngimba ugwe ubagile ukumbilako une ikisyesye kimo?” Kangi une ngwitika ni ndumbula inunu iyabwabuke, ulugano lwako kwa une, ugwe ubagile ukuyoba, “Naloliloli, nkundwe gwangu, uliyaga na kayabo akanywamu akanunu ka ikylene.” Ngimba uko kutalusya? Linga une mbagile ukuyoba, “Ngimba ugwe ubagile ukumbilako une imbatata?” “Fiki, naloliloli, nkundwe gwangu, apa iyene yili.”

<sup>215</sup> Kangi ukusayo lulilōsa ulwabutabuli ulu Yeso Kristi āfwilile kangi ālyūlile mu buhōmbe Bwāke pa Kalivari, ikylene kītugesye pa mēsa kangi u mwitiki aligwesa itugesye pankyeni pa ikylene. Haleluya! Linga une ngulōnda ulubūmbulusyo, une nguyoba, “Tāta, mbilāko une ulubūmbulusyo lumu,” kangi une ngōnelela ulwēne pa ndelema yāngu nukulya i kinywāmu . . . Lilino, linga ugwe kulonda ukuya ni njala ku bufwe, kindililaga. Ena, nkulumba. Kangi linga ubusololi, ukuyobela mu ndimi . . .

<sup>216</sup> Kangi—kangi polelo u nnyāmbāla āsīmibile nkati mula, umwēne akāmēnye ukuti une nāyobaga . . . natalile nayobaga mu ndimi nīmwenē. Kangi umwēne ikusimba i būku ili, umwe mwisakwāga ilyēne lisakubalania mfikolo. Kangi palubafu lwa ikyo, u nnyāmbāla uyu ali nabo malongo-mabili-na-bahano abalūmbilili abapamwanya aba Moody Bible Institute bikulondalonda ikyabupi kya kuyoba mu ndimi. Abāndu balwālo basulikigwe mwanya ukuya pāsi. *U Būmu Bwakikristi*, umwēsi ugu—ugu, kēta i kalatasi ya *Būmi Bwakikristi* umwēsi ugu, pa lyāni lya kalongo-na-lwēle-na-limo, kangi keta ku unkulumba yula dokotala gwa bunyakyala, alinkuti, “Ngimba uswe tukwitikisya iki? Ngimba uswe tutagile ikindukimo?”

<sup>217</sup> Une ngupilika ubwīngi ubwa fula yikwīsa! Ugwe uli nabo abāndu bikuniōngotola ikyēne ukusyūngitila i nguto, lōli ubwēne bwīsile ku buyo ubu Kyala ikupa ikisu kya Bāpanja ubuyugānie nu lōsyo lwa Mbepo Mwikemo, ukōnelēla Ikyēne mōsa na bōsa ubwīsusye Bwāke na maka ni fimanyilo ni fiswīgo. Inongwa iyi une ngukolelela . . . aba Pentekosti bagutiligwe pānja pa nguto kangi balinkubūka bwāndisu pa fīndu ifikīndāne bo ikyo, akabalilo kakākile tāsi mma. Iyo yo nōngwa abēne bafumile pakuya na fyōsa ifi ifigili. Loli ulu lo lufingo Lwamwakyala lwa Kyala kangi i Lisyu Lyamwakyalalya Kyala, kangi Ikyene kikufimbilisigwa ukwisa ukuboneka namanga Kyala abōmbile ayobile lulo. Kangi une ngwitika itolo bo bukāli ubumalikisyo bwa kabalilo ka Bāpānja ukuti Kyala isakonelela panja pa bālwalo.

<sup>218</sup> Ugwe ubagile ukubala ikyēne mu *Reader's Digest* umwēsi ugu, ubufumusye bwa u Ogastii uyu ugwa ikyēne. Būka kakēte ikyēne, mūmo fikuti undumbilili gwa kiMwthodisti pāsi pala mu kigemo kula, ikwīputila u nnyāmbāla yula alāmbalele pala ikufwa pa kitala kya kipatala, kangi u nkēti gwa Mbepo Mwikēmo ikwīsa kangi u nnyāmbāla ābumbulusigwe palapala.



Haleluya! Naloli. Kyala alinabo ububumbulusyo Bwamwakyala bwitugesye pa mēsa apa! Umwene ali nu busololi bwitugesye pa mēsa apa! Umwene alinako ukuyoba mu ndimi pa mēsa apa! Umwēne ali nafyo ifikungilwa fyamwambepo fihano-na-fina ifyamwambepo mu Mbili, kangi umwe mukwambililigwa kwa kilikyōsa kya ifyēne! Aleluya! Ena, nkulumba, apa uswe tuli.

**Kisa...Ku bwīgalilo bwa Bāpánja, ngimba abaYuda bisakugomokelága?**

<sup>219</sup> Ena, nkulumba. A Masimbo mingi, kalumbu, nkundwe, aligwesa uyu yo ali. Yoeli ukuya limo, “Iki kandona āfilekileko, imisyonono gilinkulya,” na fyosa bo ifyo, umpiki gula. Kangi Yeso āyobile Mwene mumo abene bisakukagigwaga na filifyosa. O, i Lisimbo lyōsa, Danieli na kulikōsa, likuyoba isya ikyēne. Ena, Yeso alinkuti, “Akabalilo kako ugwe kukéta ikipiki kya māfilu kikusōsya panja ubulēnge, umenye akabalilo kali kifuki.”

Une ngwītika ili ilingi ili likubōmbela ni kindukimo na ikyēne:

**6. Ngimba ugwe kwitika ukuti ukugomokela kwa baJuda—baJuda ku Palestina ko kufwanikisigwa ku busololi bwa i Bangeli? Uswe tupilike ukuti ugwe gwabukaga ku Palestina, ngimba ikyo kyabwanaloli?**

<sup>220</sup> Ena. Ena, nkulumba. Unko une mbabūle umwe ikindukimo, kimo mwa kikulumba ukukinda...Linga ugwe kulonda ukuketa akabalilo kaki aka kyinja ikyene kili, kēta pa kalendala. Linga ugwe kulonda ukuketa akabalilo kaki aka kilo ikyene kili, kēta pa koloko. Linga umwe mukulonda ukukéta lyo lisiku liki umwe tulimo nu bumi, kēta kūko abaYuda bali. Ako ko kapatu-kakabalilo ka Kyala.

<sup>221</sup> Kangi kēta! Ikilo kilakila, ilisiku lilalila, ili u Gwāndúmi gwa Ntwa ālyāgéne na une, 1946, pa Meyi ugwa buhano-na-bubili, ku Green’s Mill, Indiana, ilisiku lilalila ulwītikāno lwa lutēngano lwāsainigwe kuli baYuda kangi abene bayēngigwe ukuya kisu ku kabalilo kakwanda ku fyinja malongo mabili na fihano. Haleluya!

<sup>222</sup> Kangi, ikilo iki, i ndēmbēla ingulu ukukīnda-syōsa nkīsu kyōsa, indondwa indononde-ntāndatu ya Davidi, yikukwēlēla pamwanya ku Yerusalemu ku kabalilo kākōwānda mu fyiŋja bamia malongo-mabili-na-fihano, ukufuma ukusosigwāpo kwa Babeloni. Yeso alinkuti, “Akabalilo kako ugwe kuketa u mpiki gwa māfilu gukutwāla panja ubulēnge.” Pala umwene alipo! Pala Umwene alinkuti, “Manyila ikimanyilo. Ugwe kuyoba ‘palumu pali kifuki.’ Akabalilo kako umwe mukuketa iki, mumenye ukuti akabalilo kali pa kifigo.” Uswe tuli palapala pa bumalikisyo bwa kabalilo.

<sup>223</sup> Kēta mūmo i “kyāmwīko” kya Danieli, na fyosa bo ifyo, umwe mumenye, akabalilo kākō Yeso āyobile. “Akabalilo

kāko u Nsōka unkulumba isakwisa, Umwēne isakusolola a— a masiku elifu yumo na bamia babili ukongelelāpo malongo-ntāndatu,” iki kyāli fyinja fitatu ni myesi ntāndatu. Kangi ikyo kyo katikati iki Yeso ālumbilīle. Umwēne isile ku baYuda pabēne, polelo Umwēne isakutumuligwāga ku—ku likemo panongwa ya bāndu. “Kangi ikyāmwīko kila kikapela ubusāme,” abaMuhamadi ukubātika abaSilamu ba Omar pala. “Kangi abene bisakukanyangaga pasi ifibumba fya Yerusalemu mpaka” (whuu! Mpaka fiki?) “akabalilo ka Bāpānja kafwanikisígwe.” Kangi polelo Umwēne isakugomokelāga ku baYuda kangi, kangi apo po pāpo u Bwīte bwa Armageddon bukwēga. . . Pala Umwēne akōlīle a Bāpanja, ukwēga a bāndu ukufuma mu Ngamu Yāke, u Nsīngiligwa Gwāke. Kētésya. Ena, nkulumba. Maelifu mia-yumo-na-malongo-mana-na-bana bo bōsa baYuda batabuligwe aba babagile ukwīma pala tāsi. Fyōsa ifi. . .

<sup>224</sup> Polelo akabalilo kako i Kipanga kyegigwe mmwanya, Mōse na Eliya bikuboneka, mu Busetuli 11, nukulūmbilīla Yeso Kristi ku bene. Kangi u Mbepo Mwikemo egigwe ukufuma ku Bāpanja, kangi u Kunyakiligwa kukwisa kuli i Kipanga ukukwegigwa mmwanya. Kangi abaYuda aba basyēle apa bisakulūmbililigwāga ku fyinja fitatu na sinda, panongwa yakuti umwēne āyobīle, “Gilipo imilungu malongo-mahano-na-mabili gikāli gibīkigwe ku bāndu Bāko, kangi Mesiya isakutumuligwa pakati pa bēne.” Akabalilo kāko Umwēne asōsigwepo, a Bāpānja bisakupegigwaga ubuyo, kangi polelo abēne bali ni fyinja fitatu kangi sinda ukulumbililigwa, isya Yeso Kristi.

<sup>225</sup> Naloli, abaYuda bikwisa. Kangi une ngwitika, nkundwe, ukuti akabalilo kako uswe tukufika kula ku Palestina akabalilo aka. . . O, iputa! Abene bikubala ili Bangeli lila.

<sup>226</sup> Itolo ukuyopa kumokwene ukwakongelelapo, polelo une ndinako a kanini, akalālusyo akapimba apa, kangi ikyo kyo fyōsa fya gēne. Ili limo apa une ngwinogona lo lwīpūto.

<sup>227</sup> Kēta iki! Dokotala Reidhead āyobile, imile pala ikuyoba ku gwaMuhamadi unkomu. . .

<sup>228</sup> Lilino, bīka imbulukutu syīnu kuno kifuki. U gwaMuhamadi, une nāli nabo ukusyūngutīla maelifu malongo mabili ga bēne ukwisa kwa Ntwa Yeso akabalilo kako abene bāketile ifimanyilo ni fiswigisyo pala mu Africa. Iki. . . Pamo, umma, komma maelifu malongo mabili; ikylene kyali maelifu malongo matatu mu bosa. Une ngusakisya ikyēne kyāli maelifu kalongo ga abēne bālisile, ’nongwa yakuti ubwīngi ubunywāmu bāli—bāli baMuhamadi. Kangi akabalilo kako abene bālimīle pala, kangi une ndinkuti, “Yo ani gwa basololi binu ku tempeli abagīle ukupela unnyambala uyu ukuya mbumbuluke?” Une ndinkuti, “Kyo kiliku ikya fifwāni fyīnu,

kwa umwe benekīsu, kibagile ukupela unnyāmbāla uyu ukuya mbumbuluke?” Une ndinkuti, “Nayumo gwa bēne! Nayumo unsololi ku tempeli. . .kangi umputi nayumo, ndigi.” Kangi une ndinkuti, “Nakimo ikifwāni kyābagile ukubōmba ikyēne. Kangi komma nanīne nabagīle. Loli Kyala gwa ku Mwanya afyusyle u Mwanundumiana Gwake Yeso Kristi Uyu yo ali nu bumi pakati pa mundu umwisyugu, Uyu yo alimpelile umwēne mbupelelesye mbumbuluke bo mūmo umwe mukumbona umwēne imile.” U nnyāmbāla nu nnyololo ukusyūngutula amakosi gāke, bafimbilisigwaga ukundongolela umwēne ngati imbwa. Nkabalilo ka miniti yimoyēne imaga pa malundi, gwabwila kangi ali kanunu.

<sup>229</sup> Kangi Dokotala Reidhead alimbūlile une ikilo kimo akabalilo kako uswe twalitugesye pala mu ligali, umwene alinkuti, “O, mwe!” inogona isya ikyene. Umwēne alinkuti u gwaMuhamadi uyu ikwisa ku mwēne, kangi alinkuti umwēne āyobaga ku gwaMuhamadi uyu, u nnyāmbala gwasukulu fiyo. Umwene alinkuti, “Ena, nkulumba, nongwa ya fiki ugwe utikutāga unsololi ugwayiolo unfwano, Muhamadi?”

<sup>230</sup> Lilino, kumbukilaga, abaMuhamadi bikwitika mwa Kyala. Panja pala mu—mu Afrika, i kikulumba “bongo,” i “dongo,” yitulikigwe mmwanya bo lula. Kangi abēne bikwēga ingulumba inywāmu inyūndo ya mpulya kangi bikutika ikyēne bo lula, kangi ikyēne kikukuba pānja mōsa nkīsu. Kangi ugwaMuhamadi aligwēsa ikwīma, kangi umpūti ikwēnda panja pamwanya pa tempeli, kangi ikuyoba “Alipo yumoywene ugwabwanaloli kangi ugwabumi Kyala, kangi Muhamadi yo nsololi Gwake.”

<sup>231</sup> Abo bo bāna ba Ismaili. Muketile, Hagari, abēne bo bāna ba Abraham ukufuma mwa Hagari. Muketile? Abene bikwitika mwa Yehova Kyala ugwanaloliloli, loli abene bikwinogona Yeso. . . (Yula āli. . .Umwēne yo Ntabuli *gwitu*, ātumigwe ku Bāpānja ukufuma ku nkikūlu umwābuke; Isaki, muketile, kangi ukwisila mwa Sarah). Kangi lilino, abēne bāli ukwisila Hagari, Ismaili, kangi bikwīsa abaMuhamadi.

<sup>232</sup> Kangi ku lipumba lya Muhamadi, ugwe ubagisenie ukubūka kēta, ikyēne kyo kiswīgīsye, ilipūmba ilikulumba pala. Kangi ku fyīnja maelifu mabili yilipo i falasi yibikīgwēpo ikikota, yīmili pala. Muhamadi āfīngīle ukuti umwēne isakusyūkāga ukufuma ku bafwe ilisiku limo kangi ukunyela pa falasi yila nukupōnjōla ikīsu. Kangi kalikosa—akabalilo kalikosa abene itolo bikusanusya i falasi yimo ukufuma ku yingi; bikugūlila pala nu nsikali unsubiligwa, imile, ikugūlila kuli Muhamadi ukusyūka ukufuma ku bafwe. Ifyinja maelifu mabili fikindilepo ukufuma pala.

<sup>233</sup> Abene bikwitika mwa Yeso, abene balinkuyoba Umwene aali nsololi. Pa fibūmba fya Yerusalemu unkūlu kilipo

ikyakwĩputilamo ikikulumba ikinywāmu kiyēngigwe, ikyo kyo kya Muhamadi ukwisamo. Kangi akakwĩputilamo akanini panandi pasi apa, ako ko ka Yeso. Muketile, abēne balinkuti, “Yeso akākomeleligwe, abēne bāli fyōsa bafuluganikisigwe mōsa kila.” Alinkuti, “Umwene āfikile pa falasi kangi itogagapo ukusōkāpo.” Muketile? Lilino, abene—abene bikwitika ikyo.

<sup>234</sup> Abene bali na akatononde akakesefu pakati pa maso gabo. Abandu pala aba bikubuka ku India, umwe mwisakukētēsya ikyene. Mwe, abene bisakwima pala m’maelifu.

<sup>235</sup> Kangi polelo Dokotala Reidhead alinkuyoba umwēne ālīmīle pala, kangi umwēne alinkuti, “Lilino, nongwa ya fiki ugwe utikutāga unsololi ugwaiyolo umfwano nukummwambilila Yumo Uyu asyuukile ukufuma ku bafwe, u Kristi gwabumi?” Lilino, umwene aali mfunda kangi umwene aamenye akabīkilo mbuyo amasyu gake.

<sup>236</sup> Alinkuti u gwaMuhamadi yula alinkukēta ku mwēne, (nkomu, unnyāmbāla ummanyili, palapala pala mu America āmanyisigwe kuno) umwēne alinkuti, “Nkulumba, nikisa nkulumba, kyo fiki u Yeso gwako unsyūke abagile ukubōmba kwa une fingipo ukukīnda u nsololi gwāngu umfwano abōmbīle?” Alinkuti, “Unsololi gwangu āfingile kwa une u Bumi ukufuma pa bufwe. Ikyo kyo iki Yeso aabombīle.” Ena, umwene aali nakyo ikindukimo. Alinkuti, “Lilino, bosa babili ba abene bāsīmbīle u buku. Umwe mukwītika limo ili Yeso āsīmbīle, une ngwītika limo ili Muhamadi āsīmbīle. Bosa-babili bafingile u Būmi.” Alinkuti, “Kyo fiki iki u Yeso gwāko abagile ukubōmba fingipo kuli une ukukīnda ugwāngu—ugwāngu Muhamadi abagile?” Ena, u nnyambala, mu fundo nubupepe, ikyene kyo bwanaloli. Umwēne āyobīle, “Lōli itolo a kabalilo, nikisa nkulumba.” Umwēne alinkuti, “U Muhamadi gwāngu akafingilēmo siku ifindu ngati u Yeso gwāko ābōmbīle. Yeso gwako aafingile. . . Abene balinkuti, ‘Umwene asyukile,’ kangi ayaga pakuya na umwe akabalilo kosa, ku bumalikisyo bwa kisu; kangi ifimanyilo ni fiswigo filafila ifi umwēne ābōmbīle, umwe ubagīle ukubōmba nūmwe, mpaka ku bumalikisyo bwa kisu. Umwe mwabagile ukubūmbulusya ababine, nu kusyūsya abafwe, nukusuka ababukoma, nukukagila panja imisyētāno.” Alinkuti, “Une nāfūndīle i Kikristi, na-mosa.” Alinkuti, “Lilino unko une ngēte umwe bamanyisi mukutwāla Yeso Kristi, kangi une nisakwītika umwēne āsyūkīle ukufuma ku bafwe. Lōli, panja pa kila. . . Muhamadi akāfingilemo siku uswe ifindu bo ifyo, umwēne itolo āfingile uswe Būmi ukufuma ku bufwe. Kangi ikyo kyo kindu kilakila iki umwe mukumanyisya, kangi ukukilania ikingi.” U nnyāmbala yula āli ntalusye, ugwaMuhamadi yula āli katikati ntalusye.

<sup>237</sup> Dokotala Reidhead alinkuti umwene alinkwima nukukuuta. Alinkuti, “Nkundwe Branham, une ndinkwinogona isya ugwe.” Kangi umwēne ābopīle kula, nukubūka nkati mula, kangi une

ndinkubika amaboko gāngu pa mwēne, nu losyo lwa Mbepo Mwikemo lulinkwisa pa mwene. Kangi lilino umwene ikukéta imboniboni na filifyosa. Lilino unko u gwaMuhamadi yula āgānege nu mwēne! Umwēne yo nnyāmbála unkīndāne!

<sup>238</sup> Une nguyoba u Yeso gwītu āsyukile ukufuma ku bafwe, Umwene yo mūmi umwisyugu. Kangi Umwene ikubomba ifindu filafila umwisyugu Umwene ābombile akabalilo kala, uluko losa ulwa fimanyilo ni fiswigisyo. Kangi umwe bāndu bālwalō mwitūgesye ukusyungutula mukugela ukulīngānia ikyo ukusōsyāpo, kangi mukupōndwa kilakila ikiyabo kyālwalō ikya i Bāngēli. Uko ko katikati kotalusya. Yeso Kristi, u Mwanundumiana gwa Kyala unsyuke, abagile ukuyoba mu ndimi isingi ukwisila mwa umwe, Umwene abagile ukusolola ukwisila mwa umwe, Umwēne abagile ukunāngisya imboniboni ukwisila ugwe, Umwēne abagile ikusanusya injobelo unsitakumanyigwa ukwisila mwa ugwe. Kangi fyosa ifyo ikyo kyo kiyabo kya Mwēne.

<sup>239</sup> Kangi ukwēga akayabo *aka* ka Mwēne nukuleka ikiyabo *kila* ukufuma ku Mwēne, kyābagile ukuya ngati kundumula une sinda mbubili nukwēga imisana gyāngu na malūndi nukuyoba ugwe unyāgile une, akabalilo kāko ikiyabo *iki* ugwe utisakwāmbilila.

<sup>240</sup> Ugwe pamo kufimbilisigwa ukwambilila une nubwisusye . . . Kangi iyo yo nongwa une ne ndumbilili gwa Nongwainununyīsusye uyu ikwitika ukuti kilikyosa Kyala ayobile bo Bwanaloli. Ameni! Lwimiko! Une ngwipilika ngati mbunguluka-mwikemo lilino. Ena, nkulumba. Une ngwitika Ikyene!

**7. Matai 24:29, ikuyoba isya “Ilisuba ukuya lyā ngīsi, u mwēsi gutisakupa ubwēlu bwāke, kangi indondwa sisakugwa ukufuma ku mwanya.” Ngimba iki kisakuboneka pankyeni pamo ukufuma pa Kunyakiligwa, pamo itolo bo akāli Yeso ikwisa uku- . . . ukulagila pa kīsu?**

<sup>241</sup> Ku bwitikisanio bwāngu ubwakwīyīsyā, lilino, une ngabagīla . . . Une ngamanya, une ngwinogona umwēne ikuyobela isya Matai 24, pala. Lilino, Yeso ikuyoba isya ndondwa ni findu fikugwa, une ngwītika ikyo kyo itolo bo kakāli a Kabalilo ka Mpyuto ukwīngīla pa kīsu.

<sup>242</sup> Lilino, une nāli ni linogono ili naloli apa ukuti bīngi ba umwe mukuyaga pakukānikāna na une pa iki, fiki, une ngwinogonela na bamo ba kabalilo-kaiyolo bikupilika ikimanyisyo iki uswe twābūkilēmo ukukīndamo ikyēne. Muketile, une ndikwitika i Kipanga kisakubukaga ukukīndamo mu Kabalilo ka Mpyuto. Une ngwitika i Kipanga kisa . . . Kēta, une . . . Injila yēne une ngumanyisya u Lwītikāno Ulupya ko ukwisila mu nsyūngūlu gwa Lwitikāno Ulukūlu, itolo bo yu Mbepo Mwikemo apa

pa lisiku lya sabata na fyosa. Kilikyosa kyo nsyungulu kunyuma kula.

243 Lilino, keeta kunyuma mu Lwitikano Ulukulu. Akabalilo kaako umwe mukukeeta ifiswigu siku, abeene baali mu Igupti. Ngimba abeene bakaali mma? Kangi Kyala atwele abandu Bake panja ku kisu ikifingigwe. Ngimba uko kutalusya? Kangi Israeli akalyambililemo siku u lutamio na lumolwene. Itolo bo indamio sila . . . bo ulwene lukali ukubuka, abene babukile mu Gosheni. Ngimba ikyo ko kutalusya? Kangi ilisuba likabukilemo ukusimilila, nasimo imbwela syalisile, nafimo ifyula fyaliko kula, nasimo ingolo syali kula, nagimo imibelo gyali kula, nasimo i njasi syali kula, nakumo ukugoga pa ng'ombe kwali kula, kangi kilikyosa iki abene bali nako kyakyungigwe mu Goshen. Ngimba uko kutalusya? Ikyene kyo kyakwengelela i Kipanga kikubuka itolo bo kakali a Kabalilo ka Mpyuto. Yeso aatile, "Akabalilo kako ifindu ifi fikwanda ukwisa ukuboneka, fyusya untu gwinu, ukutabuligwa kwinu kuli kifuki." Muketile?

244 Une ngwitika ukuti u mwesi ni lisuba ni ndondwa . . . Polelo abene bayobile ikyo . . . Kindililaga nukubala Iyene, alinkuti, "Kangi abanyambala bikubopa nu kwifisa bene mu . . . kangi balinkugwa pa fyabo . . . balinkulondalonda ukwigoga bene, kangi balinkutoligwa ukubomba ikylene, na kilikyoa." Une ngwitika ikyo kikuboneka pa buyo itolo bo gukali u Mpyuto.

245 Lilino, ketesya, u Mpyuto gukwise. Akabalilo kako u Mpyuto gukutika, i Kipanga kikubuka mmwanya. Lilino, kumbukilaga, itolo ikipanga kyalaliposa kisita Mbepo Mwikemo kikubuka ukwisila mu Kabalilo ka Butolwe. Ikyene kyo bene a Basaligwa aba bikuponjola.

246 O, une mbagile ukugusa ikindikimo nubukafu apa, itolo ku miniti. Ngimba umwe mubagile ukumba une amaminiti matatu ukongelapo? Ngimba a—a bandu abanyakiligwe bikubilikigwa fiki, abasyale? Ngimba uko kutalusya? Umma ndaga . . . Une—une ngusanusya ikylene kyo—ikylene yo Nsingiligwa. Lilino, abasyale balekigwe.

247 Lilino, akabalilo kako unkikulu ikubuka ukutumula ikifwani kya siketi, ugwe kuyobapo pa kyene. Umwene ikulambalika imyenda ukubalula (ngimba ikyo kitalusye?), ikipatu kya myenda. Kangi umwene ikwala ikifwani kyake pasi pa iki. Umwene ikubomba ifyakutendekesya kuko i kifwani kibagile ukutumuligwa. Kutalusya?

248 O nkundwe, iki naloliloli kikukubombela ugwe ubununu! Yo ywani ikubomba ukusungula? Kyala yo ikubomba ukusungula! Ngimba ikyo kyakutalusya? Ikyene kikaya une ukuyoba, ikylene yo Umwene ukuyoba. Kangi Umwene ukubika ikyakusimba pamwanya pa yuyo Umwene iganile. Ngimba ikyo kyo kyakutalusya?

249 Lilino, bālipō abafūnde kalongo bābūkīle panja ukwakwāgāna nu Nnyāmbāla. Ngimba uko kutalusya?

250 Ngimba kyo fiki u “mfūnde”? *Mfunde* kokuti “kipelelesye, mwīkēmo.” Ngimba uko kutalusya? Ngimba ndindwana u mfunde yo fiki? Umwene yo ndindwana uyu akapalamasigwamo siku, umwene yo mfunde. Ngimba kyo fiki iki kalikōsa aka ko kapelelesye, ngati mafuta ga mafilu amafūnde? Ikyēne kokuti ikyēne kibilisigwe mpaka ikyēne kili nkayilo ka bufūnde, ikyēne kyo kipēlelēse. Ngimba u golidi umfūnde yo fiki? Ikyēne kyo akabalilo kāko gyōsa imīndu. . . ikyēne kibūkilēmo ukukīnda mmoto na filifyōsa kangu ukubilisya mōsa imīndu gyōsa. Ngimba uko kutalusya? Fyōsa ifisulu ni ngāmi, kangu filifyōsa ifīngi, fibilisigwe ukusōsigwāmo, ikyēne kyo itolo mu bufūnde bwāke.

251 Lilino, balipō kalongo bābukile ukwakwagana nu Nnyambala. Yeso āyobīle lūlo. Uko kutalusya? Balinga bikwitikisania na ikyo, yoba “Ameni.” [Ikilundilo kikuyoba, “Ameni.”—Nsimbi.] Kalongo balinkubuka ukwagana nu Mwene. Lilino, ketesya, bosa ba abene bali bikemo. Ena, ukuti baye *bīkēmo* abēne bābagīle ukuya “bakemesigwe,” ’nongwa yakuti uku ko kwēne ukusukigwa, lusoko lwikemo ulu Kyala ali nalo, bo bukemesigwe. Ngimba uko kutalusya?

252 Lilino, kētēsya. Bōsa kalongo ba abēne bāli bakemesigwe, lōli bahano bakāli na Mafuta mu nyāle syābo, kangu bahano bāli na Mafuta mu nyāle syābo. Ngimba uko kutalusya? Ngimba a *Mafuta* gikwīmilīla fiki? Lilino, komma ubwīfyūsi, ubufūnde. Mafuta gikwīmilīla u “Mbepo Mwikemo.”

253 Lilino, linga une nguyoba iki ku. . . nukufulasya panini, une ndikusanusya ikyene mu njila iyi une ngubōmbela. Lilino, umwe nhobokela une, kangu komma nukusyala ku kipanga. Une ndi itolo nkigemo apa ukugela ukubatula umwe. Muketile? Lilino, keta, unko une mbanangisye umwe.

254 Kikayapo ikipānga kimo pa kīsu kyābagīle ukwitūgala mbupelelesye bulibōsa bwākōngelelapo ukukinda aba Nazarene ukwisila mu bumanyisi bwābo, Pilgrim Holiness na bala. Ngimba uko kutalusya? Abēne naloliloli bikwitika mu bwīfyūsi bwa bukemesigwe, komma. . . kope ku bakikulu babo ukufwala isāambo, kangu kalikosa. Ubwīfyūsi nu bukemesigwe, mu njila yiliyosa, abene bikwitika ikyene. I kibugutila kya Holiness, bōsa a bandagilo, ubo bo bumanyisi bwābo, abēne bikwītika ikyēne. Bikemo! Abakikulu bikufwala inywili indali kangu isiketi indali. Unnyāmbāla atikwītikisigwa nukupeteka ingōngi sya shati yāke mmwanya mma, bīngi ba abēne. Kilikyosa, kisita kōpe nukupalamasya. . . ukukwēsa, ukunwa, kilikyosa. . . Nakimo ikya ikyene, muketile. Bīkēmo! Ugwe ukabagila ukwitūgala ubwīfyūsi bwa bulibōsa.

255 Lōli i kipanga kilakila ikya Nazarene, linga u nnyāmbāla abagīle ukuyoba mu ndimi nkipanga, umwēne isakutūsulilīgwa

pānja i kifigo. Kangi abene balinkuti abene bakābagile nukwitūgāsya na yumoywēne. Lilino, ikyo kyo kyabwanaloli. Linga ugwe utikwitika icyene, gela icyene kamokene, syaganiaga. Syāgānia kamokēne. Abēne bikugabenga ga minogono ga icyēne. Abēne balinkuti, “Ikyēne yo mōhési!”

<sup>256</sup> Bahano ba abene. . . Kalongo ba abene bāli bafunde. Bahano bāli bamahala aba bāli na Mafuta mu nyāle syābo, kangi abāngi bahano bāLi itolo bapelesye kangi bikēmo lōli abēne bākāli na Mafuta (abēne bakemesigwe, kisita Mbepo Mwikemo).

<sup>257</sup> “Filipo fitatu ifi fikubika ubukēti nkīsu: amīsi, i lilopa, u Mbepo.” Mwikemo Yohani 5:7. . . Gwakwanda Yohani 5:7, ndigi, alinkuti “Filipo fitatu ifi fikubika ubukēti ku Mwanya: Tāta, Mwanundumiana, na Mbepo Mwikemo, ifi fitatu fyo Yumoywene. Lōli filipo fitatu ifi fikubika ubukēti nkīsu: amīsi, ililopa, kangi Mbepo, ifyēne fikaya yumo lōli ifyēne fikwitikisania ukuya yumo.”

<sup>258</sup> Lilino, ugwe ukabagila ukuya na Tāta kisita kuya nu Mwanundumiana. Ugwe ukabagila ukuya na Mbepo Mwikemo kisita kuya na Tāta, Mwanundumiana, na Mbepo Mwikemo. Ifyēne fyo Yumo. Ugwe. . . Ifyēne fyo fisitakupāgulia.

<sup>259</sup> Lōli ugwe ubagile ukwitikisigwa kisita kuya nkemesigwe. Kangi ugwe ubagile ukukēmesigwa kisita kuya na Mbepo Mwikemo; yaga mwīfyūsi, itūgala u būmi ubupelesye, kangi yaga nu bubūmbe bwa bunyakyala, nukukāna a Maka ga bubumbulusyo nukuyoba mu ndimi ni fyabupi ifikulumba ifya Kyala (kangi kilikyōsa kya ifyēne nkati Mula).

<sup>260</sup> Apo po balipo abāko bahano abafūnde bamahala aba bāli na Mafuta mu nyāle syābo, Lwītiko lwa kunyakiligwa, ukwitika fyōsa i fimanyilo, ifiswigo, isololi, na filifyōsa. Kangi aba abahano aba batumuligweko ukufuma ku basyāle balyēgigwe ukusōsigwapo.

<sup>261</sup> Kangi abāsyāle ba bēne bakāli bāli bafunde kangi batisakutāgigwa mma, lōli bisakubūka ukukīndamo mu Kabalilo ka Mpyūto. Yeso alinkuti “Kwisakuyangako. . .”

<sup>262</sup> Kangi abēne balinkuti—abēne balinkuti, “Tupapo uswe gamo ga Mafuta gīnu, uswe tukulōnda u Mbepo Mwikemo lilino.”

<sup>263</sup> Lilino, aligwesa amenye ukuti u Mbepo Mwikemo, Zakaria 4, kangi, o, Yākobo 5:14, bōsa bamenye ikyo—ukuti icyēne kikwīmīla u Mbepo Mwikemo. Lilino, abēne balinkuti. . . Iyo yo nongwa uswe tukupaka na mafuta, ukwīmīla u Mbepo Mwikemo; lilino, “A Mafuta ga Mbepo,” i Bāngéli lyāyobile.

<sup>264</sup> Lilino, *aba* bāli na Mbepo Mwikemo; kangi *aba* bāli bakemesigwe. *Aba* bāli bakēmesigwe *ukōngelelāpo* u Mbepo Mwikemo, ukwītika fyōsa ifyakuboneka na filifyōsa ifya Maka



ga Kyala. Kilikyosa iki Kyala āyobile isya Apa, abene bāli nakyo ikyene, ukwitika ikyene. Abene bānyamuligwe.

<sup>265</sup> Kangi *aba* balinkuti, “Tupapo uswe, kwa uswe, lilino.”

<sup>266</sup> Alinkuti, “Uswe tuli nago itolo gakufwana ukwīngilamo nago,” kangi ukusōkāpo abēne balinkubūka mu Bunyakiligo.

<sup>267</sup> Kangi abene balinkuti, “Buka ulaga ukufuma ku bala bābo bikulisya kwa umwe,” abene balinkuyoba. Kangi abene balinkubuka ukugela ukwiputa ukukindilila akabalilo kala, ukwambilila Mbepo Mwikemo, lōli akabalilo ka Bāpānja kāmālike kangi ukufwīmigwa kwāfyūkile. Kangi Umwene alinkuti, “Abene balinkutāgigwa mu ngisi panja kūko kukuyangako ukukuuta nukulila nukusya amino.” Lōli mu busyūke bwakibili abēne bisakuyaga ng’osi iyi yipāguligwe ukufuma ku mbene, lōli nasiku u Nsīngiligwa, nasiku a Basaligwa. Abo bo basyāle ba Mbeyu ya nkīkūlu.

<sup>268</sup> Ngimba abasyāle bo fiki? Akayabo aka katumuligwe, kasyēle. Uluko lulalula ulwa findu. Ngimba uko kotalusya? Ugwe būka katumule i diresi lyāko ukufuma ku kitēnge, kangi ugwe kubālūla panja ikiyabo ikinywāmu ikya kitēnge nukutumula ikyēne mōsa. Iyēne yo mbombo yāko kūko ugwe kwāla i kifwānifwani. Iyēne yo mbombo ya Kyala kūko Umwēne ikulambalika ikifwānifwani. Umwene ikutumula umwēne palala panja. Ngimba uko kotalusya? Kangi lilino iki, ikisyāle kya kitēnge iki kisyēle apa, kyo itolo kinunu bo ki kitēnge iki kili mu diresi. Ngimba uko kotalusya? Loli ulwene lo lusalo lwa Kyala. Kyala ikusala i Kipanga Kyake, Kyala ikumanyīla-ngāni i Kipanga Kyāke; Kyala afwīkilengani ikyo, ikusungulilangani i Kipanga Kyake, kangi Umwēne ikwega i Kipanga kila panja! Kangi abasyāle bikulekigwa ukubūka ukukīndamo mu Kabalilo ka Mpyūto.

<sup>269</sup> Kangi apo po pāpo abasukulu ba i Bāngèli bīngi umwīsyūgu bikwīfuluganikania, bikwinogona ukuti u Nsīngiligwa ali kwisilya kula mu Mpyuto. Umwinitu yumo alinkuyoba kwa une, alinkuti, “Une ngabagila ukukubula ugwe, Nkundwe Branham.” Alinkuti, “Une numbwene Nsīngiligwa mmwanya ku Mwanya. Kangi i nyīfwīla yikupūtila amīsi ukufuma mu ndomo gwāke ukutēndēka ubwīte nu Nsīngiligwa. Kangi amaelifu mia-yumo-na-malongo-mana-na-bana, uyu yo Nsīngiligwa, imile pa Kyamba Sinai.”

<sup>270</sup> Une ndinkuti, “O, umma. Umma. Umma. Umma. Ugwe uli nakyo ikyene kyosa kifuluganisigwe. U Nsīngiligwa āli ku Mwanya.” Kangi a *basyāle* ba Luyūngu lwa nkīkūlu, komma umwēne . . . komma ulufwānifwani, abasyāle bāli kula, kangi ubufwīmigwe (i Kitangalala kya Roma) akabalilo kāko i kiKatolika kisākubūngania kangi abēne bisakubūngania amaka gābo palikimo ni kipānga i Kikulumba.

<sup>271</sup> Fiki, abene balinakyo ikyene palapala...Ikyene kyāli pa televizioni ikilo kimo. I kipānga kya Methodisti kikugela ukubūngania Methodisti na Baptisti kangi fyōsa ifisule ifipānga fya Kristi fikugela ukwībūngānia ni kiKatolika nukwīma pankyēne pa kigemo kimokyēne ikitenenefu. Ngimba fyo fiki u bishopu āyobile akabalilo kāko umwēne ābīkigwe pa bulongi ikilo kimo, ukukilania kula ukuya Nkomyunisti? Une nalimile, nguketa ku kyene pa televizioni nimwene. Ifipambo fyosa ifya ifyene! Kangi bo akabalilo kala kakwīsa, pisakuyapo ubufwīmigwe bukufyūka. Polelo u Mbepo Mwikemo isakugwa, kangi aba Methodisti, na Baptisti, kangi bosa, bisakuyobaga mu ndimi, ukuntufya Kyala, kangi ukubumbulusya ababine nu kusolola, kangi ifika ni fiswigo fisakukwisaga. A Basaligwa bisakufyūkaga mmwanya, kangi abasyāle bisakulekigwaga apa ukubūka ukukīndamo mu Kabalilo ka Butolwe. Kangi ku bumalikisyo bwa kabalilo, akabalilo kāko abēne bikukēta iki kyābonike, abēne bisakufimbilisigwa ukubūka mbufwīle.

<sup>272</sup> Polelo kēta. Ugwe kuyoba, “Ena, lilino, Nkundwe Branham, ngimba ugwe kusanusya ukumbula une ukuti kukuyaga... ukuti—ukuti abāndu aba bikuyaga kula ku Bulongi bwa Kikota Kyelu?” Abēne bisa... U Nsīngilīgwa atisakulōngigwamo siku. Umma, nkulumba. Umwene ali mwa Kristi. Ngimba ugwe kufika bulebule mwa Kristi? “Na Mbepo yumoywene ntiga uswe twesa tōsīgwe mu Mbili gumogwene.” Ngimba uko kotalusya?

<sup>273</sup> Lilino, keta, keta kuno. Ili Bāngēli lyaayobile, “Ubulongi bwabīkigwe, kangi a Mabuku galinkwiguligwa.” Ngimba uko kotalusya? Mabūku ga batulwanongwa. “Kangi ili Būku ilingi lyālīguligwe,” ili lyo Būku lya Būmi, kangi unnyāmbāla aligwesa ālongīgwe bo ulu. Ngimba uko kotalusya? Kangi yo ywāni ābōmbaga ubulōngi? Yeso na Bīkēmo. Umwene alinkuti, “Umwene ālisile ukubōmbela, Uyu yo Gwaiyolo gwa Masiku, yūyo inywili Syake siliti bo masapa.” Kangi alinkuti, “Maelifu kalongo ukwāndāna na maelifu kalongo balinkwīsa nu Mwēne, kangi balinkubombela ku Mwēne mu Bulōngi.” Apa Yeso ikugomokela bo Mwalafyale nu Mwēhe, u Bwégi bündile, kangi Umwēne mwēgi. Apa alipo Mwalafyale nu Mwēhe imile apa. Kangi pala kikwima ikibugutila kila ikikemesigwe, Kyala alinkuti, “Ima ku lubafu Lwangu papapa apa.” Ilyo lyo Būku lyālīguligwe, bāli batulwanongwa, “Yaga ukukilania ku kīmama Kyāngu.” Apa balipo bala bābo bāli ni ngamu syābo sisīmbīgwe mwa Būku gwa Būmi gwa Kang’osi.

<sup>274</sup> Ugwe kuyoba, “Nkundwe Branham, ingamu yangu yisimbigwe pala, une ngubukaga!” Gulila panandi! Yudasī Isikarioti ākēmesigwe. Whuu! Nkundwe, sumuka lilino, gwītite, ukuti ugwe ubagile ukupilikisya Iki, ugwe uketile.

<sup>275</sup> Yudas Isikarioti, imbepo yake yo nndwanenakristi umwisyugu. Umwe mumenye ikyo. Yeso aali Mwanundumiana gwa Kyala, aafumile kwa Kyala kangi aagomokiile kwa

Kyala; Yudasi āli mwanundumiana gwa bupyuto, āsokile ukufuma ku gehena kang'i ukugomokela ku gehena. Yeso ālyēgile untulwanongwa umpīndūke nu Mwēne; Yudasi ālyēgile unsitakupīndūka nu mwēne, “*Linga* ugwe uli! *Linga!* *Linga!* *Linga* ugwe gwe mbumbulusyi gwa Fyakyala, bomba *iki*, *Linga* ugwe kuyaga *Iki*, bomba *iki*.” (Muketile, i ling’w’ale lya lilālūsyo lila ukukilania i Lisyu lya Kyala.) “Amasiku ga fiswigo gakīndīle. *Linga* ikyēne kyo kili, nnāngisya une *iki*. *Linga!* *Linga!* *Linga!*” Muketile?

“Ikyene kyo kyosa kyabwanaloli,” Kyala ayobile.

<sup>276</sup> Lilino kētēsya. Yudasi Iskarioti ālitikisigwe nu lwītiko, kang'i ālītike pa Ntwa Yeso Kristi kang'i ālyōsigwe. Ilibangeli liyobile, “Yeso—Yeso aalyōsisye abafundigwa, abafundigwa Bake.” Umma ndaga.

<sup>277</sup> Mwikemo Yohani 17:17, bo Umwene akāli ukubatuma abēne panja, Umwene alinkuti, “Bakemesyaga abene, Tata, ukwisila mu Bwanaloli. Lisyu Lyako lyo Bwanaloli.” Kang'i Umwēne āli Lisyu, bo bukāli nubuhōmbe ukutēndekigwa. Mmasyu agāngi, “Bo nketelengānila, Tāta, ugwa Lilopa Lyāngu lyālyōnesisye, Une ngubakēmēsya aba.”

<sup>278</sup> Umwēne ābapēle abēne amaka ukulwana ni mbepo inyali, kang'i abēne bābūkīle panja kang'i abēne bikusōsya imisyētāno. Ngimba uko kutalusya? Kang'i abēne balinkubumbulusya ababine. Ngimba uko kutalusya? Kang'i abēne bikugomokela, bāsukīgwe, basangalufu, ukunyēla, nukuntufya Kyala. Ngimba uko kutalusya? Kang'i alinkuti, “Gyōpe ni misyētāno gikwilāmbika kwa uswe.”

<sup>279</sup> Kang'i Yeso alinkuti, “Komma umwe ukusangaluka panongwa yakuti imisyētāno gikwilāmbika kwa umwe, loli sangalukaga panongwa yakuti ingamu syīnu sisīmbigwe mwa Buku gwa Kumwanya.” Ngimba isyo syabwanaloli? Kang'i Yudas Iskarioti āli na bēne, yumo mwa bēne, abakōleligwe-panja, abakēmēsige, kang'i ingamu yake yisīmbigwe mwa Buku gwa Kang'osi gwa Bumi. Bala Matai 10 nukukéta linga ikyo kyo kikaya kitalusye. Umwēne ākōlile aligwesa gwa bēne, kang'i Yudasi na aligwesa gwa bēne, palapala pāsī pala. Umwēne alinkubatuma abēne pānja, alinkubapa abēne amaka ukulwana ni mbepo inyali.

<sup>280</sup> Lilino kētēsya! Fwāla u mwēnda unkaga-fisilisi. Loli akabalilo kāko Yudasi ikwisa itolo pala ukwisila nkipanga kila pala, ukuya mpayafyuma gwa kipanga, ikubomba nu ntimi, i... Yeso. Lōli akabalilo kāko ikyēne kyālisile akabalilo ku Pentekosti, umwēne alinkunāngisya ilangi syāke. Umwēne ānāngisye iki umwēne āli. Kang'i nu—nu bukifu bwākufwāna ukusyūngutila mwēne, umwēne alinkwibongotola mwene nukwītūlika mwene pa mpiki gwa nkuyu, ukufwanikisya ubusololi. Kang'i imbepo ya Yudasi yila yisakwisa itolo

mmwanya nukwiitika u Ntwa Yeso Kristi. Bo mūmo Yeso āyobile, “U mōhēsi ikwītika kangī ikutetema.” Umwēne isakwīsa palapala pamwanya nu kumanyisya ubukēmesigwe, itolo bo bupelelesye u būmi ubwīkēmo bo mūmo ubwēne bubagile ukuya; loli akabalilo kako ikylene kikwisa ku losyo lwa Mbepo Mwikemo kangī ifikungilwa fya Mbepo, umwene isakukana Ikyene! Umwēne isakunāngisya ilāngi syāke akabalilo kalikōsa. Apo po yilipo imbepo yila yikwe- . . .

<sup>281</sup> Kangī Yeso alinkuti, “Yaga māso!” Matai 24, kangī. “Imbepo sibili sisakuyaga kifuki fiyo palikimo mpaka ukwene kwābagile ukusyoba a Basaligwa balabala. . .” Ngimba ikyo kitalusye? Kūko ikifwanifwani kila kilāmbalele. . . Nkundwe, kinunupo itika mu kabombelo-kaiyolo, balumbilili ba Mbepo Mwikēmo ukusyungutila apa nukuya ntalusye na Kyala. Uko ko kotalusya. Komma ukuya nu luko lwa bunyakyala loli ukukana a Maka aga galimo. Ameni! Aligwesa ukwipilika kanunu? [Ikilundilo kikuyoba, “Ameni.”—Nsimbi.]

Akabalilo kako uswe twesa tukufika ku  
Mwanya,  
Lyo lisiku liki ilya kusangaluka ili lisakuyaga!  
Akabalilo kako uswe twesa tukumbona Yeso,  
Uswe twisakwimba nukulāta ubupōnjōli.

Akabalilo kako uswe twesa tukufika ku  
Mwanya,  
Lyo lisiku liki ilya kusangaluka ili lisakuyaga!  
Akabalilo kako uswe twesa tukumbona Yeso,  
Uswe twisakwimba nukulāta ubupōnjōli.

<sup>282</sup> Aleluya! Unko uswe twime itolo pa kabalilo. Balinga bangānile Umwene ni ndumbula yako yosa? Fyusya ikiboko kyako, yoba, “Ntufye Untwa.” [Ikilundilo kikwandisya ukufuma kwa Nkundwe Branham—Nsimbi.] “Ntwa, une ngwitika i Nongwainunu yōsa. Ndula une ukuya gwambombo Gwāko.” Aleluya! Aleluya! Ngimba umwe munganile Umwene? [“Ameni.”] Mwi Bangeli abene. . .

<sup>283</sup> Unkikulu alinkuyoba kwa une limo. . . u ndumiana, umwene abagile ukuti ikupilikisya ikilo iki, umwene itolo ikwītugala ukukilania ulukindi. Umwēne ikwīsapo pala. Kangī Kalumbu Lula uyu ālisibile ukwīsa kuno ku kipānga, umwēne ālātāga kunyuma kula. Une nālumbililaga, Nkundwe Neville. Kangī u ndumiana yula alinkuyoba kwa une. . . Lilino, umwene āli mmanyisi gwa sukulu ya Ndungu pāsi apa ku kipanga kya First Baptisti. Umwēne alinkuti, “Billy, une nikyēlaga ubulūmbilili bwāko mpaka unkikūlu yula ālyāndile ukukūta nu kuywēga, ‘Ndaga Ugwe, Yeso! Ntufye u Ntwa!’” Kangī kamokene kalikōsa nkabalilo” alinkuti “u nnyambala yumo āyobile,” (Nkundwe Seward) “alinkukōlela, ‘Ntufye u Ntwa! Ameni!’” Kangī une nālūmbililāga pa *Ukutāga Ubwābuke Bwakupāpigwa*

*Bwāko*, Usau āgulisisye u Bwābuke bwākupāpīgwa. Kangi une nākindililaga, kangi abene itolo baywēgāga, ukubuka nkyeni. Kangi alinkuti, “Oooo,” alinkuti, “ikyo—ikyo itolo kikipela ifitalalifu ukubūka ukukilania i nyuma yāngu.” Alinkuti, “Une ngābagile ukwima ikyo!”

<sup>284</sup> Une ndinkuti, “Nkundwe, linga ugwe gwābagile ukuyamo siku ku Mwanya ugwe angali kutalalila ku bufwe.” Une ndinkuti, “Kula naloliloli kuliko ukuywega Kumwanya, pamusi na pakilo.” Kangi uko ko kutalusya, nkundwe. O, ena, nkulumba!

O, une ngulōnda ukumbona Umwēne, kēta pa  
kisyo Kyāke,  
Kula ukwimba bwila isya ipyāna Lyāke  
ulyakupoka;  
Pa ngīndi sya Lwīmiko ndeke une mfyusye  
ilisyu lyāngu;  
Ifyakupāsya fyōsa fikīndile, ndikukāya  
kubumalikisyo, bwila ukusānguluka.

O, une ngulōnda ukumbona Umwēne, kēta pa  
kisyo Kyāke,  
Kula ukwimba bwila isya ipyāna Lyāke  
ulyakupoka;  
Pa ngīndi sya Lwīmiko unko une mfyusye  
ilisyu lyāngu;  
Ifyakupāsya fyōsa fikīndile, ndikukāya  
kubumalikisyo, bwila ukusānguluka.

<sup>285</sup> Ameni! Umma ndaga, Nkundwe Neville. Kyala akusaye ugwe. Isaga kunokuno pamwanya apo kangi ulwene lo lwāko, muketile.



*MALĀLŪSYO NA MĀMŪLO PA BWĀNDILO* KYA53-0729  
(Questions and Answers on Genesis)

KAYILO, LUBATIKO NI KIMANYISYO KYA KIPĀNGA IMBĀTIKĀNO

Ubulumbilili ubu butwaligwe nu Nkundwe William Marrison Branham, ubu pakwanda bwatwaligwe nki Ngereza pa Kitatu namayolo, Julai 29, 1953, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)